

LINZWI LA SISUPO

 Ni itumezi. Ha lu yemeñi ona cwalo fa nako nyana fela, hanze lubala Linzwi, luye fela kulibana ni Linzwi busihu cwana, kuli lusike lwa nga hahulu nako. Ni bata kuli muapule nina, busihu boo, mwa Buka ya Exoda, ni kukalela mwa kauhanyo ya 4 ya Buka ya Exodus.

Mi Mushe a alaba ali, Kono, sina na, bona habana ku ni lumela, kamba kuteleza linzwi la ka: kakuli ba ka li, MULENA ha si ka iponahalisa ku wena.

Mi MULENA ali ku yena, Kiñi seo so sweli mwa lizoho la hao? Mi ali, Ki tupa.

Mi ki hali, U i latele fafasi. Mi kiha i latela fafasi, mi ya fetuha noha; mi Mushe asaba fapila yona.

Cwale MULENA ali ku Mushe, Otolola lizoho la hao, u swale noha kwa muhata. Mi ki ha otolola lizoho la hae, ni ku iswala, mi ya fetuha mulamu mwa lizoho la hae:

Kuli bakone kulumela kuli MULENA Mulimu wa bo ndata bona, Mulimu wa Abrahama, . . . Mulimu wa Isaka, . . . Mulimu wa Jakobo, u i ponahalisize ku wena.

Mi MULENA aekeza ku mu bulelela ali, Beya lizoho la hao fa sifuba sa hao. Mi ki ha beya lizoho la hae fa sifuba sa hae: ha li zvisa fateni, amubone, lizoho la hae ki lelisweu sina litwaa ki bumbingwa.

Cwale ki hali, Kutiseza lizoho la hao fa sifuba hape. Mi ki ha libeya fa sifuba hape; ha li zvisa fa sifuba sa hae, mi, amubone, la . . . fetuha hape sina nama ya hae yeñwi.

Mi ku kaezahala kuli, haiba habana kuku lumela, kamba ku teeleza kwa linzwi la sisupo sapili, mi ba ka lumela linzwi la sisupo sa bubeli.

² Halu inamiseni litoho zaluna. Mi ka litoho zaluna zeinami, ni lipilu zaluna, cwalo, Ha ni zibi haiba kuna ni yomukana mo busihu cwana yana ni kupo ya tapelo? Kikuli muka zibahalisa ka kunanula mazoho a mina. Mulimu a alabe likupo za mina.

³ Ndata luna yakwa Lihalimu, lu talima kolo ye kuba litohonolo lelituna, ya kutaha ku Wena mwa tapelo, ili kutaha ka Libizo la Mulena Jesu. Mi lu sepisizwe ki Yena, kuli ha lu kupa sika kaufela ka Libizo la Hae, si ka fiwa. U ziba kutokwa kwa mañi ni mañi wa luna. U ziba sa yemela mazoho a luna ha nanuhile cwalo. Na lapela, Ndate, kuli U alabe tapelo ifi ni ifi busihu cwana. Amuhela kanya.

⁴ Mi cwale lumeleza Muluti yomutuna wa Linzwi, yena Moya o Kenile, atahe ku luna, busihu cwana, ni kuipatulula Iliyena ku luna, mi—mi a Itibahalise ku luna, ka—ka bupaki bwa zuho ya Hae. Ha tahe mwahala luna, busihu boo, Mulena, mi—mi apotele lipilu za luna. A ambole ku luna ka litaba Za sepisize mwa lizazi lee. Mi Manzwi a sepiselizwe hola ye abonahale fapila luna, kuli lukone kuziba hande ka sepo, mwa nako tuna ya matata yo No bulezi kuli ika taha mwa lifasi, ku to lika batu kamukana. Mi ka niti itile fa nako yeo, Ndate, foo mutu ha likiwa. Mi kuna ni libaka zeñata luli ze shutana, kuli mane hakusana ya ziba sa kueza. Kono, Mulena, Ni lapela kuli U zibahalise ku luna, busihu cwana, kuli Utensi mo mane hamoho ni luna, Utensi mo ku to lu tusa. Alaba likupo za luna, kakuli lu kupa ka Libizo la Jesu. Amen.

Ha muine.

⁵ Ni bile ya liyehanga nyana busihu ni busihu. Mi Ni zwelapili kunahana za maikulofoni *yee*, kono ki yona yeya ku baba rekoda. Kono *yee fa*, *Ni* nahana kuli, ki yona ye Ni lukela kuteeleza, kamba kubulela ka yona.

⁶ Kamuso busihu ki busihu bwa mukiti, kona kuli musike mwa libala cwalo. Ni sepa ki... Ni sepa kuli li zibahalisizwe, ko ku lukela kuya sicaba.

⁷ Luli lwa itumela ka ciseho ya mina mwa litaba zetuna za ezize Mulena luna.

⁸ Cwale, busihu cwana, Ni nahana kuli, ha lu sa zibi Linzwi la Mulimu, ha lu zibi za kueza. Halukoni kuba ni tumelo konji ha lu ziba tato ya Mulimu. Mi, kucwani, he haiba luziba kuli ki tato ya Mulimu, Linzwi la Mulimu halibulela nto yeñwi, kona kuli lwakona kulateleta zeo ka tabo.

⁹ Cwale haiba Mulena Jesu na zamaya mwahali mo, sina ka mutu, fa lifasi busihu boo, mwa mubili wa nama, mi Abulele kuli, “Kamuso i ka nela, musihali kaufela,” cwale ku ka ba bunolo kuli ni lwale sikuku ha Ni ya kakusasana, kakuli U bulezi cwalo. Cwale, haiba Ha si ka bulela, Hanina kuziba za ku kulubela. Kona kuli kona mo kuinezi, mwa sika kaufela se lueza, lu bata kuziba hola, lusika mo lupila.

¹⁰ Mi kwa baenyi, biki ye lukile kubonisa kuli Mulimu, kuzwa kwa simuluho, na zibile kale za mafelelezo. Zeo li Muezza kuba yasafeli. Haiba Yena ha ki yasafeli, yasafeli, kipeto Ha ki Mulimu. Mi U lukela kuba ya mata kaufela, yatala libaka kaufela, yaziba linto kamukana, ni yamata kaufela, kuli abe Mulimu. Ao ki mata kaufela, uziba linto kaufela, mwa libaka kamukana, mi—mi—mi uziba mafelelezo kuzwa kwa makalelo. Haiba Ha zibi, kipeto Ha ki Mulimu.

¹¹ Kona kuli luli hakuna se si itahela fela. Ki luna. Kono hakuna sika mwa Linzwi la Mulimu; sa zamaya hande, mane inge waci. Mi nako yateni haifita kuli si ezahale, Linzwi leli

sepiselizwe lusika loo, sa ezahala. Lukona kunahana kuli si ka ya... hasina ku ezahala. Fokuñwi sa ezahalanga mi ha lu zibangi. Jesu naize, nako yeñwi...

¹² Ba li ku Yena, "Kiñi kanti ba—ba... bañoli kaufela ha ba li 'Elia u swanezi kutaha pili?" Mwabona, cwale, neba lumela cwalo. Ne ba lumela kuli Elia na taha.

¹³ Mi Jesu aba talima, a li, "Elia u tile kale, mi ha mu si ka mu ziba." Mwabona? Cwale, mwabona, ne li ba fitelezi bañoli bani, bakutazi, balutiwa. Mi neli Joani Mukolobezi, mi natile mwa nzila kaufela yeo Elia na lukela kutaha ka yona, niteñi ne ba si ka mu lemuha.

¹⁴ Mi cwale ki kwa butokwa kuluna kulemuha hola ye lupila ku yona, ni nako ye lupila ku yona. Ku sona seo, Ni bata kubulela busihu boo fa: *Linzwi La Sisupo*.

¹⁵ Ki palo yenca, kanti mane Mulimu ulata kuezanga lika zenca mwa linzila ze ipitezi. Kona ze Mu eza kuba Mulimu, kakuli Yena—Yena u pahami. Mi sika kaufela Sa eza, U—U si eza, Wakona ku sieza ka buipiteli, kakuli Ki ya ipitezi.

¹⁶ Cwale, *Linzwi La Sisupo*. Mi ki si... Kuna ni linzwi kwa sisupo. Kuna ni linzwi kwa mali. Mali akile abulela kuzwa mwa mubu, mi—mi ni zeñwi cwalo, "Mali a lukile a Abele abulela ka Kaine." Mi Bibebe ibulezi kuli, "Mali a Jesu Kreste abulela litaba zende kufita mali a Abele."

¹⁷ Cwale taba yaluna busihu cwana, kamba ngambolo yaluna, i kwaluha mwa Exoda. Mi nako ya Exoda ki nako ya ku bizezwa kwande, mi mututo no li fakaufi.

¹⁸ Mushe, mutanga Mulena, na bizelizwe kwa—kwa musebezi. Mi ka kueza za na hupula, na itutile hahulu mwa Egepita, aituta kaufela za—za butali bwa Maegepita, mi mo ku bonahalela nana ni—ni mukwa wa zeo, kuli kakuba muika yomutuna wa lisole, kuli na ka kona kulamulela sicaba sa hae kuzwa mwa bukoba bwani, kakuli neli yena Faro ya na tatama. Ni mo ne ku ka bela bunolo kuli aeze cwalo. Kono, mwa bona, haiba yeo neili yona taba, kona kuli neikaba taba ya nama fela.

¹⁹ Mulimu ha ngangi lika za nama. U nganga lika ze pahami kuli aiponahalise Kasibili.

²⁰ Kona kuli kuzwa mwa myaha ye mashumi amane a lituto, yepahami hahulu ya na kona kuba ni yona, mi yende luli ya na ka fumana, muituti tenyene ya lutilwe ya na kaba yena; ni kutwisiso yezwelela ku mane, muluti wa hae, kuli neli yena ya na ka lamulela sicaba; mi aya mwa mata a kutwisiso ya hae, mi abulaya Muegepita. Mi, kuzwa fani, afumana kuli mata a hae afela, mi ki ha matela mwa lihalaupa.

²¹ Mi seo Egepita, mwa tuto, ze ne ibeile ku yena ka myaha ye mashumi amane, za tanda Mulimu myaha yeñwi ye mashumi

amaneku lizwisa ku yena, mwabona, kona kuli na si ke kusepa mwa mayemo a tuto ya hae. Na lukela kusepa ku ze pahami.

²² Mi cwale nako ne se i sutelela yana file sepiso Mulimu, ku Abrahama, myaha ye mianda yemine zeo li si ka ezahala kale, kuli peu ya hae ika yambaela mwa na ha ya kwahule, mi ba ka lamulelwa. Kasamulaho wa myaha ye mashumi amane, neba ka lamulelwa ka lizoho le li mata. Na ka lamulela sicaba sa hae ka lizoho le li mata. Mi cwale nako ya sepiso ha i atumela, kona foo Mulimu atisa Mushe mwa sibaka. Mushe, mwa bupalelwi bwa hae bobutuna, aya mwa lihalaupa.

²³ Cwale mufuta wateni faa, kuna ni mufuta omunde luli o lu sa tokwi kulatehisa. Mwabona? Uswanisizwe, Mulimu nasweli kutisa Isilaele, sicaba sa Hae, kwande, neli na ha, na ha kuzwa mwa na ha. Na ha kuzwa mwa na ha, mufuta omunde wa kacenu, woo Mulimu abiza Munyaliwa wa Hae ka ona kuzwa mwa keleke, Munyaliwa wa Mukreste kuzwa mwa keleke ya Bukreste, Keleke ya Munyaliwa kuzwa mwa keleke, ye bizwa, mwa Bibele, ka mufuta woo.

²⁴ Nina ni zeñozwi nyana fa ni Mañolo, fa tuto ye busihu cwana.

²⁵ I bizwa, linako zeñwi kuli, “Baketwa, ba ba Ketilwe, kamba bo Masiyaleti ba peu ya musali.” Ne i bizwa kuli, “Munyaliwa,” bao Mulimu, ka kuziba kwa Hae sapili, na lukisize kuba cwalo. Yoo ki, Munyaliwa yazwile mwa keleke. Mwabona, taba yateni kaufela ki keleke, kono Mulimu unga sicaba mwa keleke yeo, kuba sina Munyaliwa. Na bulezi kuli Uka eza. Mi Na li ezize, mulemuhe, kamba Na ka eza cwalo.

²⁶ Mulemuhe, mubone mwa Na liezelize, ni mukwa wa Na ezize ka ona. Lu bata kutilima fa cwale, sina Ha zwisa Isilaele, mwa Na ezelize, ni mukwa wa Na—Na ezelize ka ona.

²⁷ Mulemuhe cwale nako ya Linzwi le li sepisizwe hane ibata kutalelezwa, Mulimu abiza Mushe, ka kulemuhiwa kale, ni ku mu ketela mwa musebezi. Mwabona? Mulimu kamita una ni mutu fa sibaka, ka nako yateni. Hakuna ze pala ku Mulimu. Ha li bulezi; halikoni kupalelwa. Haiba li palelwa, kipeto Mulimu wa palelwanga, kakuli Mulimu ki Linzwi.

²⁸ Mulemuhe, cwale, Linzwi ne lina ni kubonahala. Mi cwale Linzwi ha ne li ka talelezwa, la sepiso, Mulimu kamita u lumanga mupolofita kuli abonahalise sepiso yeo, kakuli Linzwi la Mulena litaha ku yena.

²⁹ Mushe, na ketezwi ka libaka, a bizezwa kwa musebezi. Hakuna ya na ka eza cwalo.

³⁰ Mi Mulimu hasa—hasa bizelize mutu kwa musebezi wa kueza, hakuna yakona kunga sibaka sa hae. Hakuna yakona kunga sibaka sa hao, kuipitela kwa hao.

³¹ Mo Ni nahanezi kamita, mo Ne ni ka latela kunga mwa sibaka sa Oral Roberts, mo Ne ni ka latela kunga sibaka sa Billy Granham, mutu ya cwalo. Sina Billy Graham, ku yo ambola kwa sikuwata sa batu, kubizeza sicaba kwa aletare; ba libala mi baya kwa mahae, haba lukeli kuyema fani ni kulwana hape. Hanikoni kuba Billy Graham, kono mane neba yena Billy Graham hakoni kuba na. Bubeli bwa luna . . . Hanikoni kuba Oral Roberts; Oral Roberts hakoni kuba na.

³² Mina, mañi ni mañi, mu inzu mwa mubuso wa Mulimu, ka sibaka sateni fela. Mutu ya itima lico ka nako kaufela ni kuambola ni Mulimu, kanti yomuñwi u leleka mioya kakuli yo uitima lico. Kono ki Mubili kakutala wa Kreste obeleka hamoho, ki tamahano. Ha lubona miseto ya likopano i lu aba fahali, kona ze filikanya pilu yaka, mwabona, kakuli yeo kona taba ye lu kauhanya. Lu balibañwi.

³³ Hakuna batu babatuna mwahala luna, hakuna bo mukete babatuna mwahala luna. Kaufela lwa swana. Lu bana ba Mulimu. Kuna ni fela alimuñwi yomutuna mwahala luna, mi yoo ki Kreste. Lu lukela ku Mu ziba. Mi haiba lu bata likute, yo ku yomuñwi, halukoni kuba ni tumelo, kakuli luna ni tumelo ku yomuñwi ni yomuñwi. Lu swanela kuba ni tumelo ku Kreste. Ki yena fela Anosi mwahala luna yo luna ni kuba ni tumelo ku yena, mi cwale ni tumelo ku Sa sweli kueza ni sa file ku luna.

³⁴ Cwale, hakuna ya na ngile sibaka sa Mushe. Hakuna taba kamba na matile kufita kai, mi hakuna taba kamba nalikile cwale kuba kwahule ni zona, niteñi Mulimu u ziba Sa sweli kueza. Na ziba hande za Na ka nga ni kuzwisa ku Mushe. Liki ze nelina ni kuezahala. Cwale, mutaime, hakuna ya na konile kunga sibaka sa hae.

³⁵ Cwale amutalime. Mulimu na mu file sisupo, kupaka pizo ya hae ni ze ne bulelwa, nako yaya mwa Egepita.

³⁶ Cwale, Mulimu kamita ufanga mulumiwa sisupo, ni linzwi la sisupo seo. Mi sisupo seo si zibahalisa mutu yoo, haiba si ñozwi mwa Mañolo.

³⁷ Sina Joani ha naize, “Na ni linzwi la ya huweleza mwa lihalaupa.”

Se bali, “Kana naa ki wena Mesia?”

³⁸ Ki hali, “Ha ki na Mesia. Kono Ni linzwi la ya huweleza mwa lihalaupa, sina mupolofita Isaya ha bulezi.” Na i tibahaza hande-nnde.

³⁹ Mi cwale, he, ku zeo, lu fumana kuli Mulimu, kamita, ha cincangi mukwa wa Hae mwa kuezeza sika. Ha ko ni ku cinca. Mulimu uezanga lika kaufela ka nzila yeswana, Ha—Ha toma mulao wa Hae hamoho.

⁴⁰ Sina ha ne Ni bulezi zazi leliñwi, Na ezize keto iliñwi, kuli mutu ulukela kupiliswa ka Mali a Ya sina mulatu. Lu likile lika

zeñwi kaufela, kuli mutu apiliswe. Lu likile ku muisa kwa sibaka ko luyahile tolopo, Nebukadinezare na ezize ona cwalo. Mi ba yaha tawala, ki Nimrod yana i yahile. Nebana ni mulao. Mi ba bile ni litempele. Ba bile ni likeleke. Ba bile ni likopano. Ba bile ni milao ya lituto, milao ya likopano, kulika kuisa mutu ku Mulimu. Zona, ka mikwa kaufela, lipalile. Mi kamita likana li palelwa. Li kutela hape kwa Mali a suluhile!

⁴¹ Nzila ya Mulimu ya kueza sika kaufela i bulezwi mwa Linzwi la Hae. Mi Linzwi le ki sinulo kamukana ya Jesu Kreste, hakuna ze lukela kuekezwa ku Lona kamba ku zwiswa ku Lona. “Kaufela ya ka eza cwalo,” Bibebe ibulezi kuli, “siemba sa hae si ka zwiswa mwa Buka ya Bupilo ya Ngunnyana,” haiba aakeza sika kamba ku zwiswa sika ku Lona. Mu Li inge fela mo Li ñolezwi.

⁴² Bibebe ha i tokwi mutu ufi ku I toloka, Mulimu ki Mutoloki wa Hae tota. U Li toloka ka ku bonahalisa Za bulezi ha li ezahala. Ao kona mafelelezo. Haiba Mulimu u li bulezi, mi A lieza, kona mafelelezo. Halitokwi mutoloki ni yomukana. Bibebe iize, “Ha li na mutolokelo wa kwa mukunda.”

⁴³ Nzila ya Mulimu ya kueza lika ka yona! Kamita ki wa niti kwa sisupo sa Hae se si lumilwe, Na latelezi ka linzwi la Hae; kuzwa, foo, Mulimu haluma sisupo mwa lifasi. “Cwale Mulimu hakuna sa ezanga,” ku bulela Bibebe, “konji pili A li bonisa kwa batanga ba Hae bapolofita.” Cwale se, mina... Haiba ao ki mafosisa, kipeto ze siyezi kaufela li fosahalile, mwabona. Yena hakuna sa ezanga konji A si bonise.

⁴⁴ Mi muboni yani, mupolofita, una ni ku lemuhiwa, kuli sa polofita, lu fumana zeo mwa Numere 12:6, kuli za bulela li to ezahala. Kipeto, mu li utwe. Kono ha li sa ezahali, kipeto musike mwa li kolwa. Mi li lukela kuba ka cwalo, za Hae... Hakuna taba kamba u ka bulela zecewani, mi li to ezahala, ni zeo kaufela; haiba ha li zamaeleli ka Linzwi, kipeto i sa li mafosisa niteñi. Li na ni kuba ka Linzwi. Li na ni kutamahana hamoho ni Linzwi la sisupo sa nako yateni, nako ye ba pila ku yona.

⁴⁵ Cwale, se ne si sepisizwe ki Mulimu, kuli Na ka lamulela sicaba sa Hae ka lizoho le li mata. Cwale, haiba Linzwi lee, Na si ka biza muprisita, Na si ka biza muluti, Na si ka biza muina situlo. Na bizize mulisana, ya zwa mwa malundu, lipyeha, yana pepilwe, ali mupolofita ya na sa lati musebezi wa hae.

⁴⁶ Ha mu utwa batu ba lakaza kuba *se, sani*, kamba *sesiñwi*, nto isili, mutualimele fela, Mulimu hana ku itusisa bona. Mulimu na latelezi Mushe kuyo punya koo, kuli amunge. Nana ni kubata bata Paulusi, kuli amunge. Nana... Ki batu baba sa lati kueza sika, baba sa tabeli kueza lika; kipeto Mulimu unga mutu yoo, ya si ke kueza sika, kuli Abonise kanya ya Hae ka ona.

⁴⁷ Cwale amutalime. Kaufela—kaufela sisupo sa niti se si lumilwe ki Mulimu si latelelwangwa ki linzwi. Cwale mulemuhe kulo faa, taba kikuli... sisupo ni linzwi. “Ha ba sike ku lumela

linzwi la sisupo sa pili, kipeto ba ka lumela linzwi la sisupo sa bubeli.” Cwale, sisupo si na ni linzwi. Mi, cwale, sisupo sa niti kaufela se si lumilwe ki Mulimu sina ni linzwi, mi linzwi leo li na ni kubulela kuya ka Linzwi leli lomezwi mwa lizazi leo, ona cwalo fela.

⁴⁸ Haiba linzwi la taha, linzwi leliswana la kale la kuswana kwateni... Muka bona sisupo, nitaluse, mi sisupo seo mutu aeza ki kueza mileo yeswana ya kale, kipeto mukona kubulela ona foo kuli, “Zeo ha li si ka zwa ku Mulimu,” haiba sikana si zwelapili kubonisa mulelo o swana. Sa li kuba sizwe kuyena. Sa li kuba. Koo ki kulwanisa tukiso ya Mulimu.

⁴⁹ Si lukela kuba nto yenca. Si lukela kuba sika se ba sa utwisisi batu. Sina ni...kamba hasina ku lumiwa. Ha si lukeli ku lumiwa, haiba sikolo se si swana sa kale sa lituto za bulapeli. Sina ni kuba nto ye shutana, ibo sina ni ku zibahalisa Linzwi, kuli ki la lizazi leo. Mwabona, ku kumbahala kwa Linzwi la Mulimu, lina ni kuba cwalo. Hakuna ku kakanya ku lona. Lina ni kuba la Niti; lina ni ku pakiwa ki Mulimu, kuli ki Niti. Mi mutu ya li bulela una ni ku pakiwa ki Mulimu, kuli abe muboni yazwa ku Mulimu, kusi cwalo ku fosahalile; mane bona—mane bona ha ba li boni, ni hanyinyani, mane ha ba li lumeli.

⁵⁰ Lisupo lizwa—lizwa ku Mulimu. Sisupo se si latelela... Kamba, linzwi le li latelela sisupo li lukela kuba linzwi la Mulimu le li bulelwa mwa Linzwi, la lusika lwateren. Kana mwa utwisia? [Kopano ili, “Amen.”—Mu.]

⁵¹ Mulimu ufanga lisupo. Ki sikamañi Sa ezanga ka zona? Kamita ufanga lisupo! Na ba bulelezi kuli kona ze ne ba lukela ku bata ku Yena, zona lisupo. Mulimu ufanga lisupo kuli aebelelise ngana ya sicaba sa Hae. Cwale ha lu baleñi taba yee, ka swanelo. Mwabona, lisupo li felwa ku ebelelisa nga ya sicaba. Kakuli, sisupo se si filwe ki Mulimu ha si filwe, Mulimu u fakaufi ni kubulela. Mulimu ufa kaufi ni kubulela, sisupo si sa fiwa fela. Haiba si zwelela kwa Lihalimu, si zwa ku Mulimu, mi Mulimu u itukisize kubulela mi Ulika ku ebelelisa ngana ya sicaba.

⁵² Mi Linzwi litaha ku mupolofita wa Hae. Mi mupolofita u zibahala ka sisupo sa bonisa, mi kipeto utaha kwa Linzwi mi Linzwi kipeto la iponahalisa. Ao kona mafelelezo; ha li tokwi toloko ifi kaufela. Mulimu uli tolokile kale. Mwabona, li petehile fela mo likona kubela.

⁵³ Cwale amulemuhe, Mulimu ufanga lisupo kuli aebelise mihipulo ya sicaba.

⁵⁴ Faa, sicacani sesi tuka ne si atumeza pono ya mupolofita; sicacani se si tuka mulilo. Mushe nali, kwa mulaho wa lihalaupa, inza lisa lingu za hae, mulisana wa lingu wa mucembele, wa myaha ye eite ya kupepwa, ni mulelu omutelele; inza zamaya cwalo, u shetumuka mwa ka nzila kakale kana ziba, kakusasana omuñwi, inge ku cisa hakulata. Mi he, hañi-hañi fela, kwa taha

sicacani se si tuka Mulilo, mi sicacani seo ne si sa ci. Kihande, zeo kaufela zona ne li zenza.

⁵⁵ Cwale, Mushe ka kuba mutu wa sayansi, mane, yana lutilwe mwa butali kaufela bwa Maegepita, mi nebali ba sayansi babatuna kufita mo lubezi kacenu; cwale ka kuba mutu wa sayansi, kubonahala inge na ka li, “Cwale Ni ye ni bone kuli ki mufuta mañi wa-...wa mulyani o selilwe kwa matali ani, kuli kota yani ha i ci.” Mwabona, kambe na ka si talima ka mukwa wa sayansi, Ne si sike sa ambola kuyena.

⁵⁶ Mi ki mo kuinezi ni kacenu, ha lu lika kuatumela lika ka sikolo ni tuto, ili mukwa wa sayansi, mu ka mbwinja Mulimu ka limaili ze lule. Mu li talime sina Mushe, ni makatulo a tubuzwi; kuikokobeza, kuishuwa.

⁵⁷ Mi, cwale, ki seo sisupo sa kuebelisa mupolofita. Cwale, foo, sisupo seo si lukela kuba ni linzwi. Mi cwale linzwi lani ha li to bulela, kambe Ne si la Mañolo, Ha ni lumeli kuli mupolofita na ka liteeleza. Kono mutualime linzwi la Mañolo lene li latelezi sisupo sani, ne li pakile kuli ki Mulimu, kakuli Na ize, “Ni utwile sitongo sa sicaba sa Ka, mi Ni hupuzi sepiso ye Ni ba file.” Mwabona, ki sisupo, kipeto linzwi le li zamaeleta ni Mañolo litaha mwa mulaho wa sisupo.

⁵⁸ Cwale seo sibonisa hande se Ni sa zo bulela. Si lukela kuba sisupo kuzwa ku Mulimu, mi, haiba si cwalo, sina ni linzwi la Mañolo mwa mulaho wa sona, la sepiso ya lizazi lateni. Isiñi sikolo sesiswana sa kale; baluti ni lika ze ne ezahala mwa likolo zani, kamba lika kaufela, nako ye kaufela, nako ye kaufela, baprisita, ni babañwi cwalo. Kono ye ki taba yenca, mi ki ya Mañolo, ki sepiso; mi ki sisupo sa kuebelisa mupolofita.

⁵⁹ Mi he, Wa bulela cwale, asika ya kale kwani, una ni kuba ni sesiñwi se si mu paka kuba mupolofita, mwabona, ba si ka mu amuhela kale. Ali, “Habana kubulela kuli Mulena u i ponahalisize ku na.”

⁶⁰ Ali, “Kanti, Ni ka kufa lisupo zepeli za kueza, mi zeo li ka ebelelisa ngana ya sicaba. Mi cwale ngana ya sicaba ha i ebeliswa, kipeto bulela manzwi ao ku bona uli, ‘Kina Mulimu wa Abrahama, Isaka ni Jakobo, mi Ni hupuzi sepiso ya Ka.’ Mi Ni ku luma kuya kuli u yo ba lamulela, mi Ni kaba ni wena.”

⁶¹ Kikuli mu lemuhile sisupo sa hae sapili? Nana ni mifuta kaufela ya malikanyiso a bona. Mañi ni mañi na lika kunepa noha. Fo kikuli...Haiba wo hakona mukwa wa batu, Ha ni zibi kuli ki sikamañi, mwabona. Mwabona? Kono ki linzwi la mufuta mañi lene banani mwa mulaho wa zona? Hakuna; linzwi la Muegepita la lifasi. Ibo ne ba kona kueza sisupo, kono neba sina linzwi mwa mulaho wa sona, la ku si paka. Kono Mushe nana ni sakuli KISONA SA BULELA MULENA. Yeo neli yona shutano. Balikanyisi bazwelapili kwa nalule-lule fa nako yetelele, mi kwa mafelelezo za iponahaza.

⁶² Kana mwa ziba Bibebe ibulezi kuli zeo li ka ezahala mwa mazazi a maungulo? “Sina Janise ni Janise ha ne ba lwanisa Mushe, ki mo akabela ni mutu wa mihupulo ye keluhile kwa Niti.” Niti ki Mañi? Jesu Kreste ki yena Niti. Mwabona? “Ngana ye keluhile kwa Niti.”

⁶³ Cwale Jehova uka bulela ka Linzwi la Hae la sepiiso. U swanela cwale ku lukisa mupolofita yoo ni ku muluma. Kakuli, kamita li mwa mufuta wa munahano wa Hae, mukwa wa Hae wa kueza lika ka ona, nako kaufela ha luma mupolofita wa Hae ni Linzwi, ni mupolofita ya pakilwe.

⁶⁴ Hape, se ki sisupo se si sepisizwe. Mupolofita, yena kasibili, ki sisupo. Bibebe ibulezi cwalo. Ha mubona linako licibilika, ni kubona ze taha . . . Munge litaba za kale za Bibebe, mu balisise. Mu sa bona fela nako yetelele ya nako yetaha; kono mu sa bona fela mupolofita ha taha, seo ki sisupo sa katulo. Mulimu na ka atula lifasi, mi Ha . . . kamba naha, kamba sicaba, ha mubona mupolofita ha taha. Ni kutalize kutazo ka yona, mina batu ba matepu mwa hupula, ki . . . *Sisupo Sa Niti Se Si Si Ka Lemuhienda*. Kamita ha ba si lemuhangi, kamita ba bile ona cwalo, kono neli sisupo sa kutaha kwa katulo.

⁶⁵ Cwale Linzwi la Hae li talelezwa mwa muhuwo wa Hae. Sona Sa sepisa, kipeto Wa taleleza Linzwi la Hae ka muhuwo wateni.

⁶⁶ Kutaha kwa mupolofita ki sisupo sa temuso kuli katulo i fa kaufi. Kamita kubile ona cwalo. Halu boneñi fela ni bulele iliñwi.

⁶⁷ Mutualime Nuwe yana tile mwa nako ya mafelelezo, mwa—mwa mazazi a muunda wa lifasi, mupolofita na sweli kupolofita. Neli sikamañi seo? Katulo ya taha kapili kasamulaho.

⁶⁸ Mushe naile mwa Egepita, ali mupolofita ya pakilwe ni lisupo za mupolofita. Kiñi ze ne ezahalile? Katulo ya tahela Egepita kasamulaho.

⁶⁹ Elia a taha, ali mupolofita, ni ku polofita ku Akabe ni naha yani. Kiñi ze ne ezahalile? Katulo ya wela mwateni kasamulaho nyana. Kiniti.

⁷⁰ Joani Mukolobezi ataha cwalo, ali sisupo. Na li mupolofita. Na li mupolofita wa sisupo se ne sitaha mwa lifasi. Ne ba ziba, ha taha, Messia na ka bulela, ka yena. Nekuna ni kuba cwalo, kakuli, naka—naka nga baketwa.

⁷¹ Libaka la taba ye ki kubiza sicaba se si ketilwe kuli si lukuluhiile, sina mwa mazazi a Nuwe. Sina mwa mazazi a—a Elia, baba eza sebene sauzande kamba sebene handeleti, kamba nelili cwani kaufela, bene ba si ka kubama liñwele, kuli aba bizeze kwande. Joani na bizize baba bizizwe, ni kubatisa ku Kreste nako Ya taha, alukulula keleke ya hae, ali, “Ni swanela ku kusufala, Yena atunafazwe, kakuli,” na ize, “Kina linzwi la Ya huweleza mwa lihalaupa, ‘ku lukisa nzila ya Mulena.’” Mi Jesu

ataha ka mukwa o swana. Unga baba itukisize ku utwa linzwi la Mulimu, kona sisupo sa sipolofita mo siinezi. Oh, haiba mu ka latelela Mañusa aa, mube ni ku...ku lukisa baba ketilwe. Isiñi babañwi fela, habana ku li utwa. Ki baketwa kona baba bizizwe.

⁷² Lingeloi lani ne little kai, mwa Sodoma, lene liezize sisupo sani? Ku Abrahama ni sikwata sa hae. “Amuzwe mwa Sodoma; ku ka nela mulilo!” Mwabona? Jesu na sepisize kuli li ka kutela, mwa ziba, hape, kwa Sodoma yee. Cwale mulemuhe.

⁷³ Si eza sikamañi? Si lukisa ya ketilwe kuba ya itukiselize silelezo ya Mulimu, sina mwa nako ya Nuwe, ni zeñwi cwalo.

⁷⁴ Mi sieza sikamañi? Si nyaza ya sa lumeli wa minahano fela, ku mu atula. Kamita sibile ona cwalo. Ku hana sishemo, hakuna ze siyala kwanda katulo. Kacwalo sifita fa—fa butali fela mi ya sa lumeli ukala kulibeleta fela katulo. Kakuli, kiñi za ka eza? U ka li nyaza fela.

⁷⁵ Ki kabakaleo Majuda ha ne bacile nama yabona tota. Ki kabakaleo mali abona ha na bubezi mwa munzi omutuna fani Titus, musole yomutuna wa Muroma, ana ba henezi ku ba lundula mwateni, kakuli ne ba hanile Moya o Kenile. Katulo ne ina ni kutaha kakuli ne ba si ka U lemuha ka likute. Jesu na ba bulelezi, ha ne ba Mu biza kuli Baalezebubi, mi ki Hali, “Na mi swalela,” tifo ne i si ka fiwa kale, “kono,” ali, “nako Moya o Kenile ha u ka to eza musebezi oswana, kubulela ka ku U lwanisa hakuna kuba ni swalelo.” Mi lusika lwani ne lu si ka swalelwka ka zeo. Yeo ki niti.

⁷⁶ Katulo ku ya sa lumeli! I beezezi kwande ka mulelo ona woo, kuli ife liseli ku mulumeli, ni lififi ku ya sa lumeli. Kuswana fela sina Siita sa Mulilo mo ne siinezi; Ne si fa liseli, kuliba kwa naha ya sepiro, ni lififi ku bene ba sa lumeli. Lisupo za Mulimu kamita li ezanga ona cwalo, kutibela meto a ya sa lumeli, ni ku kwalula meto ni liseli la kuzamaya ku mulumeli. Kona se Li lumelwangwa.

⁷⁷ Haiba sipolofita sa hae ki sa niti, haiba sipolofita sa mupolofita ki sa niti mi si to talelezwa, kipeto ki temuso ya Mulimu. Cwale mwa Numere 12:6, lu fumana taba yeswana, ki Mañolo.

⁷⁸ Bibebe ne i ñozwi ka bona baana baa. Cwale haiba lubala ku Pitrosi Wabubeli 1:21, I iize, “Baana ba ikale, ne ba zamaiswa ka Moya o Kenile, ha ne ba ñola Bibebe.”

⁷⁹ Hape mwa Maheberu 1:1, mo ne lu bulezi busihu bobuñwi, “Mulimu, mwa linako za kale ni ka mikwa ye shutana na bulezi ku bo kuku aluna ka bapolofita, mwa mazazi a mafelelezo aa ki ka Jesu Kreste, Mwana Hae.”

⁸⁰ Siita sa Mulilo, sona sisupo; ki linzwi . . . kamba ki—ki linzwi lene li ka bulela. Siita sa Múlilo mwa sicacani, neli linzwi le li utwahala kusina kukakanya leo Mulimu na ka bulela.

⁸¹ Mulemuhe ka swanelo cwale, musike mwa li mbwinja. Mi Miriamu ha na seha kezela hae, Mushe, mi yena neli mupolofita wa musali nako ya mu seha, mi Mulimu ashetumuka mwa Siita sa Mulilo sani, Mushe na ziba kuli Mulimu ubata kubulela. Neli sisupo. Mi linzwi la latelela mwa mulaho, lali, “Kana ha mu sabi Mulimu?” Lali, “Hakuna mutu mwa naha yaswana sina mutanga Ka, Mushe.”

⁸² Ba eza zeswana ha ba nanuha ni kubulela kwani . . . Fani Datani ha yema ku mu lwanisa, hamoho ni Korah, litaba zesina tuso za hae, “Kuna ni baana babañata ba ba kenile ku kufita. U nahana kuli ki wena unosi fela mwa kopano.” Mulimu na supile Mushe kueza musebezi wani!

⁸³ Mi ha ne ba bata sikwata sa kuya ni sona, ba i kezeza kawkwata kabona, Ki hali, “Kauhana ku bona. Ni ba yundise fela. Ni ka ba yundisa fela,” mi Aba yundisa. Lifasi la ba miza.

⁸⁴ Cwale lu fumana kuli yeo ibile nzila ya Mulimu. Siita sa Mulilo si bonisa kuli Linzwi selili bukaufi ni kubulela. Oh, Texas, mukona kuba libofu zecwani? Mu no hupula Houston. Cwale kuna ni Linzwi le li latelelanga sisupo.

⁸⁵ Mushe, mupolofita wa sisupo kwa Isilaele, na sepisize kuli Linzwi nelili bukaufi ni kuiponahalisa.

⁸⁶ Linzwi la Mulimu mo ne li petahalezi, ka swanelo, nako kaufela! Kuswana fela ni Urim Tumimu, sina ha ne Ni bulezi, busihu bobuñwi. Urim Tumimu neili teni, mi haiba sisupo sani ne si sa tahi fa Urim Tumimu, linzwi ne li sa utwelwi. Ku lukela kuba sisupo. Sisupo si paka linzwi. Mi ni linzwi li paka sisupo, kuli lizwelela ku Mulimu. Linzwi la sisupo kona le li bulela “ee” kamba “awa.” Haiba Mulimu u li hanile, kipeto Linzwi li ka bulela “awa.” Haiba sisupo nesili teni, Mulimu na bulela kuli “ee.” Mulao wa Mulimu ha u si ka cinca kale. Lwakona kuinelela lihola fateni foo, kono ha li si ka cinca kale.

⁸⁷ Amutalime, Jonasi mupolofita, mutualime sisupo sani. Na li mwa musipili wa hae kuliba kwa Tareshishi. Na nanuhezi kuya kwa Nenive, kono afapuhela kuliba—kuliba nzila ya Tareshishi. Babañata ba fanga mulatu Jonasi. Jonasi ha lukeli ku nyaziwa. Na li mupolofita. “Mizamao ya ya lukile i tiiswa ki Mulena,” mi awela mwa musipili kuliba Tareshishi. Mi lulika kunyazanga muuna yani, kono Jesu na si ka munyaza.

⁸⁸ Mulemuhe, Na ize, “Sina Jonasi ha na inzi mwa ya tapi, mazazi amalalu ni masihu,” ne i lukela kuba sisupo, “ni yena Mwana mutu ki mwa ka inela mwa mba ya lifasi, mazazi amalalu ni masihu. Mi lusika lo lumaswe lwa bubuki lubata sisupo, mi hakuna kuba sisupo ni sesikana kuzwa ku Mulimu, muhupule, kwanda sisupo sa Jonasi.” Sisupo sa Jonasi ki sikamañi? Ki

zuho. Mi loo kona lusika lwani lwa Sodoma, lwa bubuki, bubuki bwa moya, ku- . . . kueza boozwa bwa moya kushutana ni Niti ya Mulimu, ku sa I lemuha ka likute. “Lusika lo lu maswe mi lwa bubuki lu bata sisupo, mi baka si amuhela, ikaba sisupo sa zuho.” Mutualime, Jonasi . . .

⁸⁹ Batu bani neli bahedeni, mi neli omutuna . . . Neli munzi wa litekiso. Musika omutuna wabona neli wa litapi. Neba lumeleza litapi zabona mwa naha yani kaufela. Baana bani neli bayambi. Wani kona onoli musebezi. Mi neli fela bahedeni, ne ba lapela lifolofolo ni milimu ya maswaniso, mi baba ba bamaswe hahulu.

⁹⁰ Sina naha ye cwale, yetezi fela butanya ni Hollywood, ni mifuta kaufela, mane kukena ni mwa likeleke. Mi amulemuhe se singa sibaka. Kiñi, fokuñwi neba takazo ya butanya mwa keleke mane se i talimwa kuli ki bupilo bobunca. Naha ye ikona kuyema cwani mwataswa nto ye cwalo? Mu ipiza Bakreste, ni kueza lika zecwalo zeo, ikona kuyema cwani?

⁹¹ Sina mulikana ka yomunde, Jack Moore, yanaize, myaha ya kwa mulaho kuli, “Haiba Mulimu uka tuhelela naha ye kuya mutakafululele, Ukaba ya swanelia, kakuba Mulimu yasina silibonda, uka zusa Sodoma ni Gomora, mi akupe swalelo ka ku ba cisa.”

⁹² Mu libile kwa katulo. Hakuna mukwa usili wa ku liamuhela. Mu ñole mwa Libibele za mina. Ni ya ni supala cwale. Mubone haiba halina ku kena mwa katulo. Haiba Ni pila bupilo bobu swanelia, Ni ka li bona, nako yeswana. Myaha yeñwi yelikani i ka li talezea.

⁹³ Jonasi. Kaufela bona nebasweli kuyamba, musihali tuna cwalo, mi kwa taha mulimu wa liwate, yani, wa tapi, amatela kwa likamba ni kukwela mupolofita fa likamba. Ha ki sisupo ni seo!

⁹⁴ Mulimu na lamulezi mupolofita wa Hae, ka liñusa. Cwale ba bona sisupo, ba lumela sisupo, cwale liñusa ki lifi? “Mubake!” Leo kona linzwi la sisupo. Linzwi la sisupo ki kuli, “Mubake, kamba mwahala mazazi a mashumi amane mu ka yundiswa ka mulilo.” Ba ziba kuli neba lukela kubaka.

⁹⁵ Jesu ali, “Ba ka atula lusika loo, kakuli ne ba bakile ha ba utwa kutazo ya Jonasi; yomutuna kufita Jonasi uteni kiyo faa.”

⁹⁶ Linzwi lali, “Mubake, kamba mwa mazazi a mashumi amane mu ka yundiswa kwa mulilo.”

⁹⁷ Joani mupolofita, ha bonahala, sisupo sa kubonahala kwa mupolofita, kasamulaho wa myaha ye mianda yemine kusina mupolofita. Neba bile ni baika kaufela ba lituto. Ni nahanisia fela sinyeho yateni mo ne ibezi! Myaha ye mianda yemine, kusina mupolofita, kono nako ya sutelela bukaufi kuli Mesia yani na taha. Cwale, Joani nali yena sisupo sani, ka kuba mupolofita, kuli Mesia nali bukaufi ni kubulela, linzwi la sisupo; kakuli,

mwa Malaki 3, lufumana kuli, “Ni ka luma numwana wa Ka fapila Ka.” Elia na lukela kutaha fapila Hae, mi Elia sa taha. Joani, mwa moya ni mata a Elia, ataha mi aeza zeswana ni ze ne bulezwi mwa Mañolo, mi ne ba si ka utwisisa. Mañolo na bulezi ona cwalo. Nali yena sisupo, sisupo sa mupolofita, sa kuli Mesia na ka bulela.

⁹⁸ Mupolofita yani, kakuziba cwalo hande, kufitela abulela kuli, “Kiñi, kuna ni Alimuñwi ya yemi mwahala mina, onafa cwale. Yena Mesia yo Ni bulela za hae, u mwahala mina. Ha ni swaneli neba kutamulula kwele ya makatulo a Hae. Ki yena Yaka kolobeza ka Moya o Kenile ni Mulilo. Na ni kolobeza ka mezi, kwa kubaka, kono Yena uka ni taha mwa mulaho. U mwahala mina cwale.”

⁹⁹ Zazi leliñwi abona Mutangana yataha, inza zamaya ku shetumuka. Abona Siita sa Mulilo sani, mwa sisupo sa Nkwilimba, ye zwa kwa Lihalimu; mi Linzwi, lali, “Yo ki Mwana Ka ya latwa, Ye Ni katelwa.” Lali, “Yo Ni katelwa,” ki libizo fapila tulokandina, kona kuli za swana fela. “Ku Yena Ni katelwa kupila,” kamba, “Ni katelwa kupila ku Yena,” hakuna shutano ni yekana. Mulemuhe, “Ni katelwa kupila ku Yena.”

¹⁰⁰ Joani ali, “Ni paka kuli Ya ni bulelezi nisali mwa lihalupa,” isiñi kwa sikolo sa bukutazi, “mwa lihalupa, naize, ‘Yena Yo ka bona Moya u shetumuka, ni kuina ku yena,’ amen, ‘Ki yena luli Ya ka kolobeza ka Moya o Kenile ni Mulilo.’ Mi Ni paka kuli ki Niti.”

¹⁰¹ Neli sikamañi seo? Sisupo sa mupolofita sani neli kuli Mesia na li bukaufi ni kubulela.

¹⁰² Mesia ne li sikamañi? Mesia neli Linzwi, ka kutala. Nali yena mutalelela wa Mulimu. Bapolofita neli fela Liseli nyana le li laita. Kono ku Yena nekuna ni Liseli tuna lani, nelili kuyena Mesia yoo, kakuli Na li kubonahala kwa Mulimu, ya ezipwe Emanuele, Mulimu mwahala luna mwa nama ya butu.

¹⁰³ Mesia na li bukaufi ni kubulela. Mi mulemuhe, Bibele ibulela, kuli, “Linzwi la Mulena litahanga ku mupolofita.”

¹⁰⁴ Cwale fa nekuyemi Joani, yoo Jesu na bulezi kuli “neli mupolofita yomutuna yakile apila.” Jesu nabulezi cwalo, Mateu kauhanyo ya 11, “Mu i lo bona sikamañi, muuna ya zukuzwa ki moya wa mufuta kaufela, kopano ye ha i bulela *sakuli*, ‘Ni ka kuholisa mali amañata; u eze *cwana*? Isiñi Joani! Batili, batili. Muuna yakona ku keluswa ka bunolo, ya sina mayemo? Batili, na li ya buhali, mupolofita ya pazauhile. Kana muilo bona muuna ya apezi mikanjo ya buprisita?” Mi ki Hali, “Batili, bao bafumaneha mwa mileneñi. Ba nyalisa babanca, batubeta limbututu, ni kupumbeka basupali. Woo kona mufuta wateni. Hakuna ze ba ziba ka Mukwale o swaliwa ka mazoho amabeli. Kona kuli muilo bona sikamañi kwande, mupolofita nji?” Mi ali,

“Mane ufita mupolifita!” Kakuli, na li mulumiwa wa Bulikani, na sepisizwe ki Mulimu kuli uka mu luma.

¹⁰⁵ Mi mulemuhe fa, Joani na yemi mwa mezi, inza kolobeza, ali, “Wa taha.”

¹⁰⁶ Mi ki le fa Linzwi, haliyo mwa Lihalimu, kono ya ezipwe nama. Linzwi seli nama, kuezahala sikamañi cwale? Ki ufi muzamao wa Mañolo a Mulimu he? Linzwi la taha ku mupolofita, ona mwa lihalupa mwani, ona mwa siliba mwani. Linzwi la taha ku mupolofita.

¹⁰⁷ Joani atalima mwa lihalimu, mi ali, “Ni tokwa ku kolobeza ki Wena.”

¹⁰⁸ Mi mulikana ka, muzwale yasuapezi, Dokota Davis, keleke ya Missionary Baptist, yana ni kolobelize mwa tumelo ya Bukreste, haiba uteni mo busihu cwana, Ha ni talusi ku filikanya maikuto a hae. Kakuli, upila ona mwa Texas moo, u zwelela kwa Davis Mountains. Kono Na hupula hane ni kanana ni yena zazi leliñwi, mi Nenili mushimani fela. Mi se Nili, “Ha li utwahali hande, Dokota Davis.”

¹⁰⁹ Ki hali, “Ze ne ezahalile, kuti Jesu na kolobelize Joani, mi ni Joani akolobeza Jesu, kakuli Joani na si ka kolobeza kale.” Ne li si ka bonahala hande ku na.

¹¹⁰ Na zwelapili kulibelela, kutalimela, kuakaleza. Hakuna ze ne ni bulezzi ka zona, konji zazi leliñwi Mulena ha ni patululela zona.

¹¹¹ Cwale mutualimele sa na bulezzi Jesu. Joani naize, “Ni tokwa ku kolobeza ki Wena, cwale kiñi So tahela ku na?”

¹¹² Jesu ali, “Tuhela kuli kube cwalo, kakuli ki swanelo kuli lutaleleze kuluka kaufela.”

¹¹³ Joani na zibile Yoo nali Yena. Ki bao baeteleli bababeli ba lifasi, baeteleli bababeli ba keleke, Mulimu ni mupolofita wa Hae, inge bayemi hamoho. Cwale, mutualime, ne ba lukela kuziba.

¹¹⁴ Jesu ali, “Tuhela kuli kube ona cwalo, yeo ki swanelo, kono kwa lu swanelo kuli lutaleleze kuluka kaufela, lona Linzwi le li sepisizwe.”

¹¹⁵ Sitabelo ne si na ni kutapiswa si si ka tahiswa kale. Joani na kolobelize Jesu kakuli Na li Sitabelo. Mwabona? Sitabelo ne si na ni kutapiswa si si ka tahiswa kale. Aliba kwani, mi Sitabelo sa tapiswa, mi kona A tahiswa kwa nyangela. Ki hali, “Ki yeo Ngonyana ya Mulimu.”

¹¹⁶ A ya fa likamba, mi ki wo Moya wa Mulimu wa shetumuka wa lula fahalimwa Hae, wali, “Yoo ki Mwana Ka ya latwa.” Mwabona, kona A fiwa cwale kwa sicaba. Kono Sitabelo si sika tahiswa kale, ne si na ni kutapiswa pili; woo kona mulao wa Testamente ya Kale. Ku lukile.

¹¹⁷ Mesia na libelela kubulela, kakuli fa nekuna ni sisupo sa mupolofita. Mi haba bona mupolofita ataha mwa sibaka, kasamulaho wa myaha ye mianda yemine yani kusina ni yomukana, neba ziba, kuli linzwi lelitatama neli Mesia.

¹¹⁸ Cwale mina babali ba Bibele munahane katata cwale fa mizuzu yelikani. Mutualime sibupeho sa hae, ne ba si mbwinjize cwani? Ne ba palezwi cwani ku ziba yoo nali yena, Joani? Sibupeho sa hae ne si zibilwe, moyo wa hae ni sibupeho ne li zibahalizwe ku Elia. Cwale mulemuhe moyo wa hae. Cwale, neli Joani Mukolobezi, kono neli moyo wa Elia onoli ku yena.

¹¹⁹ Mulemuhe, pili, Elia neli mutu ya lata mishitu. Mwabona? Mi Joani neli mutu wa mishitu.

¹²⁰ Mi Elia neli muuna yana nyazize mulao wa kopano yani, mwa lizazi lani, ni za na nani kaufela. Ni Joani ki mwa na ezelize, “Mina lusika lwa linoha. Ki mañi ya mi lemusize kusaba kwa buhali? Musike mwa kala kubulela kuli, ‘Ni nani se, sani, kamba sesiñwi.’ Mulimu wakona kusuza bana ba Abrahama ku ona macwe aa.” Mwabona libupiwa zepeli zeo?

¹²¹ Mi amutalime Elia, a nyaza bo Jezabele bani kaufela ba lizazi la hae, bona basali babasina buiswalu bani. Kisikamañi sa na ezize Joani? Kinto yeswana, ni ku Herodiasi. Bubeli bwa bona, kona bene batiselize lifu la bona.

¹²² Amutalime Elia, kasamulaho amano eza musebezi omutuna, akala kuikalelwa, aina kwahule koo ni kulapela kuli Mulimu amu nge. Joani aeza zeswana, mane alobala ona koo mi alumia balutiwa ba hae, ali, “Amu yo Mu buza. Kana Ki Yena kamba lu libelele usili?” Jesu na ziba cwalo.

¹²³ Na li Elia. Sani ne si na ni kuba sibupeho sa hae. Na swana hande luli ona cwalo sina Elia. Na li mwa moyo wa Elia.

¹²⁴ Una ni kutaha linako ze ketalizoho, moyo wani, kuli u itusiswe: Elia, Elisha, Joani, Malaki 4, mi cwale ni kwa Majuda. Mazazi a maungulo, oluli ku ona busihu boo, moyo wa Elia. Mulemuhe cwale.

¹²⁵ Kacenu, Ni bata kuli mutualime bapolofita ba bo Akabe ba kacenu, ba ba tuhelela bo Jezabele kukuta milili ya bona, baipenta kwa lifateho, batina tuputula, bazuba makwai, sika kaufela, “Ki hande.” Ba—ba bapolofita ba luna ba Akabe ba kacenu, baba zamaya ni likolo za bona, luli, baba zamaisa kwa ni kwa ka lituto za ipangezi mutu ni likopano. Kinto mañi yeo? Bapolofita ba Akabe.

¹²⁶ Lu tokwa Mikaya yomuñwi kuli atahe abonahale. Kamba mwa nako ya Akabe, Elia ataha mwa sibaka. Yoo ki yena, ya na sepisizwe.

¹²⁷ Inza ba isa kwa ni kwa, ka nzila yebabata kuya kaufela. Haiba ba sa ezi cwalo, baba nyandisa kokuñwi, ba kaya kafa

ni ku yo ikopanya ku *se* kono ba sa kumalela kwa—kwa—kwa buipuleli bwa bona bwa Bukreste.

¹²⁸ Kihande, ne ba sika piliswa, kuzwelela kwa makalo. Sibupeho sa bona kasibili sipaka cwalo. Kikuli mu ka zwisa magilepu kwa kona ya mukakani? Kikuli mu ka yanga mahapu fa mukoti wa mupusi? Sibupeho sateni kasibili sibonisa kuli hakuna ze ba bata kueza ni Linzwi. Ba Li keshebisa, ni ku Li sheununa. Ha li ñozwi kuli, “KISONA SA BULELA MULENA, lika ze li ka ezahala,” mi bona ba Li seha, ba Li keshebisa.

¹²⁹ Ki kabakaleo Jesu naize, “Mulena wa musali wa kwa Mboela uka zuha aatule lusika loo, mwa mazazi a maungulo, ni ku lu nyaza; kakuli na zwile kwa libaka za kwahule za lifasi, ku to bona muuna yana ni mpo ya butali.” Mi ali, “Yomutuna mane kufita Solomoni ki yo faa.” Luli. Solomoni nali cwalo, mwa lizazi la hae, leliñwi la mazazi amatuna. Sicaba ne si lumela mpo ya na mufile Mulimu, yena Solomoni yoo, ni libubo la—la hae laya kai ni kai. Kucwani kambe luba sicaba sa lizazi lee . . .

¹³⁰ Ni luna ma American, lulika kamita kufumana tukiso yeñwi ka za swalisano. *Kiye* tukiso ya Mulimu, “Mubake! Mufetuhele ku Mulimu!” Tukiso yeñwi? Kambe ne ba ka eza fela Cwalo, ne luka libaka swalisano.

¹³¹ Kanti Isilaele ne ilumela mwa mpo yani yeo Mulimu na ba file. Kambe America na ka ba fela . . . na ka lumela fela mpo ya Mulimu yeo alufile, mwa lizazi a mafelelezo aa, Mwana Hae, mwa mufuta wa Moya o Kenile, ya zuhile kwa bafu, yapila mwahal luna kuya ka sepiso ya Hae. Kambe ne lu ka ba kumalela fela Seo!

¹³² Ne si ka ya fela kwa Baketwa. “Kakuli hakuna mutu yakona kutaha ku Na konji Haiba Ndate a mubize. Mi kaufela ba Ni file Ndate, ba ka taha.” Ki kucala fela kwa peu; ya wa, yeñwi iwela neku *le* ni neku *lani*, kono kuna ni kucala kwa lipeu, nihakuli cwalo. Ika tiisa mibisi ya yona kaufela fo i ka ba. I ka tiya hande.

¹³³ Mulemuhe, nebali foo ki bao, mi lufumana cwana kuli, Akabe, naha ne se ingile Maisilaele bani bene ba eza lika za mufuta kaufela, niteñi ne ba sa ipulela kuli ki Maisilaele.

¹³⁴ Kuli mane ni Elia akalimela lusika lwani, ni ze neli kuyena kaufela, mi Mulimu a mupaka cwalo. Mi nali mupolofita.

¹³⁵ Kale mane Joani asika taha! Ataha kuliba kwa Isilaele . . . Na nyezi musali yo ku—ku Hero—. . . ku Heroda, musala Filipi munyana hae. Ataha ku yena ku mutualima fa sifateho; aputa liñindi. Na sa sabi mutoneli yomutuna wa puteho. Na si ka lwala kadi ya kopano; naile fela ni Mulimu. Na li mupolofita wa Hae. Linzwi nelili ni yena. Na sa lukeli ku yo buza bishopu ufi kamba madikoni. Na tozizwe. Nana ni Linzwi. Ataha kulibana ni pata ya hae, mi ali, “Ha ki swanelo kuli ube ni musali yoo!” Kiniti. Na si ka puta liñindi, kuputela mutu ufi.

Basali ba bamaswe bani neba eza boozwa, kuzwelapili ona cwalo!

¹³⁶ Sina Amosi, mi ha taha mwa sibaka, atalima fani. Mane ha lu zibi kwa na zwelela. Mawi, mwa na lukela kutalima kwa munzi wa Samaria wani! Sina bo sibuhabuhi mo ne ba ezeza, zende kaufela, ni bakutazi kaufela mwa kutwano ni–ni linaha, mi tamahano yabona ni linaha ni mutu kaufela, mi ba sa pila mwa sibi! Meo a hae aba busisani, sitenda sa hae sa benya, mi kacwalo a shetumuka. Na si ka . . . ne si ya kona kutalimwa, kono nana ni KISONA SA BULELA MULENA.

¹³⁷ Lu tokwa yaswana sina Amosi kutaha kacenu. Kikuli ne luka mu amuhela? Batili kutokwa, hakuna yana mu amuhezi niteñi. Ha na ka taha mwa lifasi, na ka shandaula katengo kafi kaufela, puteho ifi kaufela, musali kaufela yatina ze kuswani, Jezabele kaufela yakuta milili ya hae. Na ka ba lubaka mwa liemba-emba. Ne ba ka mu lelekela kwande mwa mikwakwa, ni kubulela kuli, “Mufitelezi wa tumelo yani!” Kono na kaba ni sakuli KISONA SA BULELA MULENA, kakuli liñozwi fela ona cwalo. Kopano ne i ka mu amuhela nji? Batili.

¹³⁸ Na sina mutu wa ku tusa tukiso ya hae. Kana muleneñi omutuna woo, omunde wa—wa takazo, sina Samaria mo ne ibezi, kikuli ne ba ka amuhela mutangana nyana yana sa zibahali yoo mane asina ni kadi ya kopano, kusina wa ku mutusa, kamba sika kaufela? Na sina mutusi ni yomukana. Na sina kadi ya kopano ni yekana, hakuna sikolo kwa na zwelela. Kono nana ni sa kuli KISONA SA BULELA MULENA. Mi kutaha kwa hae, kakuba mupolofita, neli sisupo. Linzwi la hae nelizwa ku Mulimu, mi ne li zibahalizwe mwa mazazi a Jeroboami wa Bubeli. Kaufela za na bulezza za to ezahala.

¹³⁹ Cwale lu fumana cwana, mwa lizazi le lupila ku lona le, ki kukutela fela kwa lika zeo hape. Bakutazi ni sicaba, bautwa maswabi akuyema fa katala, mi ni–ni Evangeli iba fela fa kupangela kapene ka buhobe. Ba saba kubulela sika, mutu yomuñwi uka ba leleka ku se, *sani*, kamba sesiñwi.

¹⁴⁰ Kuna ni fela Muuna alimuñwi yakona kuku zwisa mwa Lihalimu, yoo ki Mulimu. Mi uka yo lelekwa cwani mwa Lihalimu, inge uli ni Linzwi la Hae? Kona sa Na ku lumezi.

¹⁴¹ Muhupule, Bibebe iize, mwa nako yecwalo sina mo ne kubesi mwa mazazi a Elia, mwa lizazi lelicwalo sina mo ne kuinezi mwa mazazi a Joani, kuli Malaki 4 uka kuta mwa lifasi hape. “Ni ka luma Elia.”

¹⁴² Cwale musike mwa kopanya litaba zeo ni Malaki 3, “Ni luma munwana wa Ka fapila Ka.” Yani neli Elia, niyena.

¹⁴³ Kono mwa Malaki 4, U ize, “Ku si ka taha fela kale Lizazi le lisabisila la Mulena, foo lifasi kaufela ha li ka tuka sina ondo, mi baba lukile ba ka zamaya kuhatikela fa mufuse wa ba bamaswe,” yeo kona Mileniamu, “Ni ka luma Elia mupolofita.” Mi ki

sikamañi sa ka eza? "Uka kutiseza tumelo ya bana kukutela kwa bashemi ba bapositola," kukutela kwa Linzwi. U kaba mupolofita. "Ni ka mu luma." U ka zibahaliswa hande. Sibupeho sa hae si ka swana fela ni Elia mwa na bezi, ona cwalo. Liñusa la hae likaba le li zamaeleta hande. Uka nyaza, alubake lika. Atokwe kopano, atokwe swalisano, atokwe sika, kono uka ba ni sa kuli KISONA SA BULELA MULENA.

¹⁴⁴ Cwale, muhupule, kuna ni mifuta kaufela ya sicaba yeyema ni kubulela kuli, "Ye ki kubo ya Elia, mi ye ki tuto ya Elia." Sikwata kaufela, kamba kopano, ba fetuhela kwa sikuwata sa Elia, kamba kubo ya Elia. Zeo haliyo mwa Mañolo. Mulimu ali kuba atalimane ni sikuwata se si cwalo.

¹⁴⁵ Mi Elia nako ya taha, ni Joani Mukolobezi, bubeli bwa bona ba nyaza likwata zani ni likopano. Ne ba sika eza cwalo. Wa ba nyaza, mo ne ba ezelize; Eli ni Joani, bubeli bwa bona. Isiñi sikuwata kamba kopano. Kono bubeli, mwa bubeli bwa linako zabona, ba nyaza likwata zani ni likopano.

¹⁴⁶ Kutaha sikamañi cwale? Sisupo sa nako ya mafelelezo si ka zamaeleta ni Linzwi la nako ya mafelelezo. Elia u swanela kutaha mwa sibaka, muuna ya tozizwe ka moyo wani; muuna wa mishitu, ni zeñwi cwalo, ni mulati wa litaba zeo, mi ataha mwa sibaka ku to pakiwa. Cwale mutualime se si bulelwa ki Mañolo cwale, mi kipeto hamuna kupumiwa, mwabona, sisupo sa nako ya maungulo ni Linzwi la nako ya maungulo.

¹⁴⁷ Mulimu ha si ka talimana kale ni sikuwata, hakuna sibaka se si cwalo mwa Mañolo. U talimananga ni mutu ka buyena, kakuli mutu kaufela wa shutana ni yomuñwi. Mutu kaufela, minwana yaluna yemituna ya mazoho ya shutana, lingo zaluna zashutana, likezo zaluna za shutana. Unga muuna alimuñwi, Wa kona ku munga mwa tamahano kufitela aba Linzwi leo.

¹⁴⁸ Leo kona libaka Paulusi, na ize, "Mi he kuli Ni si ke na inuneka kabakala butuna bwa Sinulo ye ni patululezwi, ni filwe muutwa mwa mubili ki lingeloi la Satani." Mwabona? Mateu na ñozi, Luka na ñozi, Mareka na ñozi, kaufela bona, kono, ne ba latelezi fela Jesu ni kuñola za Na bulezzi. Kono Paulusi nabile ni sinulo ya Yoo nali Yena, mwabona, yeo kona taba yana—yana boni. Sinulo ya hae neli ye pahami hahulu, A mu lumeleza kuñola Bibele, sina Mushe wa Testamente ya Kale. Yena muuna yomutuna yoo, Paulusi, sinulo yana bile ni yona yani, aziba kuli Jesu wa Testamente ye Nca neli Jehova wa ya Kale. Na amuhezi sinulo ya Zona, mi nakonile ku itisa kwa Maheberu, ku bona... mi ni kwa—kwa Maroma, ni kwa Maeferese, ni—ni kubona kaufela. Na—na ñozwi mañolo ao. Mulemuhe, sisupo sa Hae simano fiwa, kona ha na ñozi mañolo.

¹⁴⁹ Sibupeho sa kutaha se sikaba se si swana. Haina kuba sikuwata. Ikaba mutu alimuñwi. Mulimu ali kuba atalimane ni mutu ka nzila ifi kaufela kwanda mutu alimuñwi. Cwale, Elia

na si sikhata, Joani Mukolobezi na si sikhata, neli fela mutu alimuñwi ka alimuñwi. Mulimu, Malaki 4, na si ka bulela kuli, “Ni ka luma sikhata.” Naize, “Ni ka luma Elia!” Linzwi halikoni ku cinca.

¹⁵⁰ Cwale, amutalime, sisupo sa nako ya maungulo ni Linzwi lateni lika taha mwa Mañolo sina mo li sepiselizwe.

¹⁵¹ Lu bata kuziba se si kaba sisupo sa maungulo? Jesu u lu bulelezi, mwa Mateu 24 ni 25. Na lubulelezi, hape, mwa Sinulo, ku kalela ku ya 6 . . . kamba ya 1, kupunya ni ku ya, kihande, mwa kauhanyo ya 10. Mi Utaha mwa kauhanyo ya 19, Mileniamu ya kalisa ka kutaha kwa Hae, inza pahami fa mbongolo.

¹⁵² Si ka taha, sisupo sa nako ya maungulo. Cwale muteeleze, ka kukwala. Ku ka taha ona cwalo fela mo abulelezi Mañolo. Cwale mulemuhe Linzwi la sisupo.

¹⁵³ Cwale, Jesu, mwa Luka 17:30, na sepisize sisupo sa nako ya maungulo. Sisupo sa mafelelezo, neli Mulimu kubonahala mwa mibili wa butu yana kona kulemuha milelo yeneli mwa minahano ya Sarah, mwa tende kwa mulaho wa hae. Kona sa Na bulezi. Sani kona sisupo sa Na sepisize kwa maungulo. Fe- . . . Kiñi sa Na bulezi kuli si ka ezahala? “Li ka zibahala mwa mazazi ateni, mazazi a maungulo, foo Mwana mutu ha nza patululwa.” Ku patululwa! Mi Mwana mutu ha sa patuluzwi, seo ikaba sisupo sa Ka patululwa ka sona. Cwale mwabona haiba Seo ha si buleli cwalo. Kiniti sa eza.

¹⁵⁴ Cwale mwakona kubulela cwana, kuli, “Batili, ikaba nto isili fela. Batili, ku ka yahiwa muyao omutuna, sa *kuli* sesituna, kamba *se*, kamba katengo kakañwi kakatuna ka ba swalisano, kamba nto yeñwi”? Oh, batili. Batili, koo ki kwahule hule luli. Koo ki kwa neku leliñwi. Li shutanela kwahule ni za bulezi Mulimu, kuli Uka eza.

¹⁵⁵ Mulemuhe se lu bulezi cwale. Mañolo akaba fela ona cwalo, kakuli luna ni sisupo sa Sodoma, mwa nama. Ki lili hane kuna ni mikwa ya kalombe hahulu, kulyangana ni lika zeñwi sina mo libezi cwale, “lusika lwa bubuki ni bumaswe hahulu,” kuli mane wa saba ku tukisa mazimumwangala a hao mwendi kuna ni litaba za masila, ze zwa ku ba Hollywood? Mi batu ba ba ipiza kuli, ki Bakreste, ba kaina kwa mandu basayo kwa mukopano wa litapelo kuinela kubona ona zeo. Si bonisa mufuta wa moyo o li ku wena. Kiniti. Mi bahame ba ka apala fela ona bani, mi baana baba tuhelela ku ba zamaisa kwa ni kwa sina moba ezeza ona koo. Kikuli lukanga Hollywood kuba mutala waluna, kamba lu ka lumela Linzwi la Mulimu ka zona?

¹⁵⁶ Mi ona sikhata sani sakona kubona kubona Linzwi la Mulimu inge li pakiwa, mi baeza sikamañi? Ba li seha fela. Kakuli, ba shwile, kushwa Kuyakuile. Bali kuba bapile fateni. Kambe bakile bapila fateni, neba kaba inge bapila ona cwalo, ka Kuyakuile. Kono bali kuba bapile fateni. Bona kamita ba bile

bafu. Oh, bakona kuba baba ipitezi, mi balumela *se, sani, kamba sesiñwi*.

¹⁵⁷ Jesu naize, “Mina baipi,” ku bona, ku bona baprisita mwa lizazi lani. “Ukona kubulela cwani lika zende, kanti buñata bwa zeli mwa pilu kona ze ka longoka fa mulomo? Mu Ni biza yomunde, ‘Muluti Yomunde, Mulena yomunde?’” Na ziba ze ne li mwa lipilu zabona. Na lemuha ze neli mwa lipilu za bona. Na li yena Linzwi.

¹⁵⁸ Bibebe ibulezi kuli, “Linzwi la Mulimu li buhali kufita mukwale o lozizwe kafa-ni-kafa, mi li lemuha milelo ya mwa pilu.”

¹⁵⁹ Cwale, sisupo sa Sodoma sani si kutile, mwa nama. Mi haiba lika kaufela liinzi fela hande mo lilukela kubela ka nama, kipeto ukona cwani ku li hanyeza, kuzwa mwa munahano wa hao, kuli za moyo haliyo faka nako yeswana? Miinelo yemibeli cwalo itemi mwa sibaka. Eehe, mañi ni mañi wa lumela, kuli za nama li lukile; kono, oh, mwa moyo, ha ba lati ku li lumela, kakuli Li lwanisana ni tuto yabona.

¹⁶⁰ Luka 17 kona sisupo. Luka 17 kona sisupo sa na bulezi Jesu, kuli, mwa mazazi a maungulo, linaha ni likeleke ni batu bakaba fela sina mo ne kuinezi mwa Sodoma, lifasi la ba Macaba, kusi ka cisiwa kale Sodoma. Mi ku kaba sikwata, se si talimezi, sina Abrahama. Mukute kwa mulaho, fani Jesu hana ize, “ona mo ne kuinezi mwa mazazi a Sodoma,” mukute kwa mulaho mi mubone mo ne kuinezi mwa Sodoma. Na bala Bibebe ye luba, Bibebe yeswana, cwale mukute mubone kuli nekuli cwani.

¹⁶¹ Fa nekuna ni sikwata se si ketilwe, se si bizelizwe kwande, sikwata sa Abrahama, ne ba libelela mwana wa sepiso. Masodoma hakuna ze ne ba lumela ka zona. Mi nekuna ni ya enya fela, membala wa keleke kwani kwa Sodoma. Mutualime Mangeloi amalalu ani ataha ku ufi wa bona, mutualime sisupo sa na bonisize, kipeto mu ka bona mufuta wa sisupo se lupila kusona.

¹⁶² Cwale, seo ikaba sisupo. Mi linzwi la susupo ikaba Malaki 4, “ku kutiseza sicaba kwa Tumelo ya bashemi baba aspositola.” Ki seo fo sisupo, ki leo fo Linzwi, kuya fela hande ka Mañolo. Mwabona? Sisupo ki sisupo sene sili kwa Sodoma, Mulimu ya bonahalile mwa batu.

Mi Ki hali, “Ukai musala hao, Sarah?”

Ali, “U inzi mwa tende, kwa mulaho wa Hao.”

¹⁶³ Ali, “Ni ka ku potela kuya ka nako ye Ni ku sepisize.” Mi Abulela . . .

¹⁶⁴ Mi Sarah, kwa mulaho, kwa mulaho wa Hae, ali, “Zeo likona kuba cwani, na nili musali muhulu, ni yena seli muuna muhulu? Mi sina muuna ka fande fale, muuna muhulu,” ali, “halusana ze cwalo ku luna.” Ali, “Halikoni fela kuezahala.”

¹⁶⁵ Mi ali, “Kiñi Sarah ha bilaezi zeo, kubulela mwa pilu ya hae kuli, ‘Li konahala cwani litaba zee?’”

¹⁶⁶ Mi Jesu naize li ka kutela hape. Cwale, muhupule, Abrahama na bizize Muuna yani kuli, “Elohim,” Mulimu. Mulimu Na kaba cwalo. Kiñi? Nakonile kulemuha milelo, mi Nali hande ka nako. Mi Elohim, yena Moya o Kenile, (isiñi mutu usili) ki Mutu yaswana ya kutela mwa keleke mi u eza lika zeswana, seo ikaba sisupo. Mi Linzwi likaba, “Ku ba bizeza kukutela kwa Linzwi, ku kutisa Tumelo ya bana kwa bashemi.” Ki seo susupo ni Linzwi.

¹⁶⁷ Lisupo hañata za amuhelwa, kono Linzwi hali amuhelwangi. Ha ba tabelangi Linzwi, kono ba ka amuhela sisupo. Hañata, ba ka li amuhela. Ba lata sisupo, kakuli ba tabelanga ku si talima, sa ba katulusa. Kono, haili Linzwi, haba latangi ku—ku lieza. Muhupule cwale ki Linzwi.

¹⁶⁸ Mu fetuhele kwa Linzwi hape. Sisupo sa Jesu sa Mesia, kuya ka Isaya 35, “Lihole li ka takisa sina tolo,” ni zeo kaufela.

¹⁶⁹ “Zeo neli zende!” Oh, ba amuhela zeo. Zeo neli zende. Ba li lumela. Ba lumela sisupo. “Taha kwanu, Muluti, kwa keleke yaka, lu ka Kufa swalisano yetezi. Luli, lwa Ku lumela. Wena ki wena yomunde hakalo. Ki wena Muluti. Ki wena Mupolofita wa mwanana. Taha kwanu! Swalisano ya mufuta kaufela! Sisupo ki sesinde.”

¹⁷⁰ Kono cwale Linzwi ha li to bulela, lali, “Na ni Ndate lu Nto Iliñwi.”

¹⁷¹ Oh, mawi, ne ba si ka Li lumela. “U Ikeza kuba Mulimu.” Ne ba sa batí Linzwi. Ne ba bata sisupo. Ba ziba cwalo, ne ba itumelela kuli neli sisupo sa Mesia, kono, haili Linzwi, ne ba sa Li lati.

“Misebezi ye Ni eza mu ka i eza ni mina.”

Mi se bali, “Yoo ki Baalezebubi.”

Mi ali, “Mina bana ba linoha.”

¹⁷² Oh, neba toile Linzwi leo. Kiñi ze ne ba ezize? Ba tima Linzwi lani kuzwa mwahala bona. Ba Mu lelekela kwande.

¹⁷³ Jesu ali, “Haiba ba biza Muña ndu kuli, ‘Baalezebubi,’ ba ka biza cwani balutiwa ba Hae?”

¹⁷⁴ Muhupule, mwa Sinulo 3, kwa Lusika lwa Laodesia. Ye kona Laodesia; sisupo sa Sodoma si tile. Ki Muhuwo, “Amu kute kwa Linzwi, mube kwahule ni lituto za litumelo ze ni likopano, mi mu kutele kwa Linzwi,” ha Li taha, kuya ka Sinulo 3, Na lelekezwi kwande a keleke, sina fela mo ne kuinezi nako yani.

¹⁷⁵ “Sisupo si lukile, kono isiñi Linzwi.” Haba tabeli kueza sika ni Linzwi. Batili, batili; ki Linzwi. Kono Mushe naize, haiba habana, kamba . . .

¹⁷⁶ Mulimu naize ku Mushe, “Ha ba sa lumeli linzwi la sisupo sa pili, balike ku sa bubeli. Mi haiba ba sa ezi cwalo, kipeto u yo ka mezi ni ku a selafafasi.” Ao kona mafelelezo. Ku felile. “Tapisa, tutula ma—ma maluli kwa mahutu ahao,” ka manzwi amañwi, sina Jesu mwa na bulelezi. Naize, “Uke mezi mwa nuka, u a sele fa mubu o omile, abaka mali, ni kubonisa kuli kona mwa ka capwaela, mwa mali.” Kona kuli ona cwalo fela kona mo ne kuinezi.

¹⁷⁷ Haiba ne ba si ka lumela sisupo, kipeto sisupo sa bulalu kaniti ne si ka feleleza lika. Bulumiwa kaufela buna ni lisupo zetalu, haiba bu lumilwe ki Mulimu. Jesu nana ni lisupo zetalu. Mushe nana ni lisupo zetalu. Nuwe nana ni lisupo zetalu. Elia nana ni lisupo zetalu. Sika kaufela sitahanga mwa lisupo zetalu. Mulemuhe. Muteeleze, balikani.

¹⁷⁸ Sekuya ku unsufala cwale. Ni na . . . Oh, mawi, Ne ni sa zibi kuli seli busihu cwana, seli bukaufi kasamulaho.

¹⁷⁹ Haiba mukona kulumela sisupo sa Sodoma, sa Luka, mwabona, sina mwa Na si sepiselize; mwa lumela sisupo sa Sodoma, kipeto kiñi hamusike kuamuhela Linzwi la Malaki le li latelela sisupo, sa “kukutela kwa Linzwi”? [Hakuna manzwi fa tepe—Mu.] Bibebe ibulezi ona cwalo, mi amu si bona, kipeto muteeleze kwa Linzwi la sisupo.

¹⁸⁰ Musabe kwa buhali bobutaha! Musike mwa nahana kuli, “Kakuli Na ni wa ba UPC, Assemblies of God, Methodist, Baptist, Presbyterian, Ni na ni tukelo ya ku yo kena.” Mulimu wakona kuzusa bana ba Abrahama kwa macwe aa. Amukutele kwa Linzwi! Amu zwe kwa bulifasi bwa mina ni milao ya mina ya likopano, ni lika zeñwi. Mulimu uka ba yundisa mwa lifasi. Uka ba tibisa mwa buliba bwa liwate la kulibala, inge fela mwa Na ezelize Egepita Ha biza Isilaele, naha kuzwa mwa naha. Nako Ya biza Munyaliwa kuzwa mwa keleke, ika fita mwa nyandiso ya balumeli, isululele mali a yona mwa lifasi. Amusabe kwa buhali bo bu taha, kakuli bu sutelezi!

¹⁸¹ Hamukoni kubona lika zee kusina. . . Ha ni zibi ze mu nahana ka zona. Na ni na ni fela musebezi wa kubala fela ni ku li bulela. Kuitingile ku mina! Mwakona kulumela sisupo, kipeto mulumele ni Linzwi leli latelela sisupo. Oh, mawi!

¹⁸² Mutualime, Mushe, mufuta wa kufunduka cwale. Na lukela kubulelela sicaba sani za sepiso ye ne filwe kwa bashemi. “Ni hupuzi sepiso ya Ka kwa bashemi ba bona.” Mi cwale ki—ki sikamañi sa lukela kueza Mushe? Ki ku fetula lipilu za sicaba ku ze ne ba bulezi bashemi. Mi sina Mushe mwa na inezi nako yani, ku cwalo ni ku Malaki 4, “ku kutiseza sicaba kwa Tumelo ya bashemi.”

¹⁸³ Kukakanya kaufela kwa likopano, ni zeñwi cwalo, amukutele kwa Linzwi! Na mi ziba, buñata bwa mina sicaba mutabela kuezanga cwalo; Ha ni omanyi fela mina moo. Matepu

a aya kwa lifasi kaufela, mwabona, kai ni kai. Ha ni omanyi fela mina, kono Ni omanya yoo kaufela, kaufela ko ba bufamaneha. Ni mucale fela wa Peu. Kona fela ze Ni ziba mwa kuezeza. Ku itingile ku mina kuba ni keto. Musabe kwa buhali bo bu taha, sicaba!

¹⁸⁴ Usike wa nahana kuli u wa Pentekota. Usike wa nahana kuli bomaho neli babande, ba ba kenisizwe ba Methodist, kamba bo ndataho neli babande, baba lata kuhuwa mwa Baptist. Usike wa nahana kuli zeo likaba ni za kueza ni wena. Usike wa nahana kuli u wa siemba sa keleke ye ba yahile, kamba keleke yemusweli kuyaha cwale. Musike mwa nahana kuli mina ba Pentekota mubulezi ka malimi ni kubinela mwa Moya, ni kumata kwa-nikwa fa bulilo, myaha yemine kwa mulaho. Musike mwa nahana kuli kakuli mubile ni mikopano ya foliso, ni zeñwi cwalo.

¹⁸⁵ Musike mwa palelwa kubona sisupo seo, sa Siita sa Mulilo, seo Mulimu apakile; ni Linzwi mwa mulaho wa Lona, kuli mukutele teñi, mukutele ku Mulimu. Musike mwa tuhela kuli li mi fitelele. Ki seo sisupo ni Linzwi.

¹⁸⁶ Mi mutu ha taha ni sisupo, muhupulo oswana wa kale, kipeto kuna ni se si fosahalile, ha li zweleli ku Mulimu. Oh, mawi! “Mu sungamise linzila za Hae cwale!” Cwale, mwa lumela cwalo? “Kipeto amu bake, O mina libofu bayambaeli, mukutele haenu.” Bibele... Muñoli wa pina naize:

Linaha za ikaba, Isilaele, wa zuha,
Lisupo ze bulezwi kale ki Bibele;
Mazazi a Bamacaba a balilwe, mikoti ye
mituna ikatilwe;
“Mukutele, O mina bayambaeli, mukute
haenu.”

¹⁸⁷ A mukute! A mukute! Mupolofita naize, “Ku kaba Liseli mwa nako ya manzwibwana.” Bukaufi fela Lizazi li si ka unsufala kale, ku kaba Liseli. Mu zamaye mwa Liseli hakunze kuna ni Liseli. Kasamulaho nyana Katengo kaba Swalisan kaka mi swala, mi ha kusana mukwa wa Liseli ka nako yeo.

Halu inamiseni litoho zaluna.

¹⁸⁸ Ndate yakwa Lihalimu, li mwa mazoho a Hao cwale. Ni—Ni cezi Peu. Ha ni zibi ko Liwezi. Mi Ni lapela kuli U ba fuyole kaufela ko Bainzi. Mi ha Ba fumane sibaka sa Bona habanze baya cwalo, ni ku kumula libaka za macwe, ni mibisi kaufela ya limela za miutwa, ni ze li zona kaufela, ni kuzwisa ku sa lumela kaufela mwa nzila. Lumeleza cwalo, Ndate. Lu beya cwale zeo ku Wena, ka Libizo la Jesu Kreste. Amen.

¹⁸⁹ Ka litoho za mina ze inami, meto amina aitimile. Kamuso busihu ki malyalya. Baezalibi ba mwa muleneñi, Nika... haiba Mulena alata, Ni ka bulela ku bona. Ni bulela kwa sikuwata se si kopani cwale. Ha ni koni ku kutaza taba yee; likona fela ku ba foufaza kufita sapili, mwa mukopano o cwalo.

¹⁹⁰ Kono, mina, busihu boo, kana mwa lumela kuli mwa bona sisupo, mi kana mwa li utwa Linzwi, haiba mu li utwile kikuli mwa li lumela? Mi mina—mina hamuna, mwa lumela kono hamusika Li amuhela kale, Kreste mwa mutalelela wa Hae, kikuli muka nanula mazoho a mina? Mi toho kaufela ha i namiswe cwale, mi liito kaufela li itime. Amu nanule mazoho, muli, “Ni hupule, Muzwale Branham, ha u nzo lapela.” Ni ka tabela kueza cwalo. Mulimu ami fuyole.

¹⁹¹ Ndata luna yakwa Lihalimu, Bibebe iize, “Baba lumezi kaufela ba kolobezwa.” Na lapela, Mulena, kuli sicaba se si nanuzi mazoho se, kuli sa lumela cwalo. Ha ba si ka kolobezwa kale mwa kolobezo ya Sikreste, ha ba fumane keleke ye eza cwalo, mi ba kolobezwe. Lumeleza cwalio, Mulena.

¹⁹² Mi basike fela ba kolobezwa ka mezi, ili fela si—si sisupo sa kwande kuli sesiñwi mwahali si ezahalile. Bibebe ibulezi kuli, “Kuna ni Tumelo iliñwi, Mulena alimuñwi, kolobezo iliñwi,” mi kolobezo yeo ki kolobezo ya moyo. Mubili ha utapile, ki ponahazo fela khiona, kamba kufa sisupo kuli sesiñwi mwahali si ezahalile. Kono ki ona moyo wani o lukela ku kolobezwa ka Moya o Kenile, kwani kona kutaha kwa Kuyakuile kwa sibupeho sa mutu sani mwa sibaka, kuli sibe mulumeli. Ni lapela kuli ba amuhele Moya o Kenile. Ni ba laela ku Wena cwale, sina lituwelo za Lifiusa, ni za muhau wa Kreste. Ka Libizo la Hae, Na lapela. Amen.

Cwale ka litoho za mina ze inami, ka likute.

¹⁹³ Nina ni fela mizuzu ye supile, Ni—Ni palezwi kuzwa ka nako. Ni—Ni—Ni palezwi kuba ni mukoloko wa litapelo mwa nako yecwalo. Ni ka mi kupa fela kuli muine ona fomuinzi foo. Mu ni swalele ka mu mi buluka nako yetelele. Lu ka lapelela mañi ni mañi. Mina sicaba, babañwi ba mina kwanu babana ni makadi a litapelo, musike mwa bilaela, lu ka ba ni mina.

¹⁹⁴ Kono fela lu ka bona haiba Moya o Kenile u ka patulula ku luna cwale, haiba mwa lumela ku Yena mi mu lumela kuli se kona sisupo. Muhupule, Lingeloi, Ne li mutu; Na cile, Na nwile fapila Abraham, mi ni cwalo Nakonile, kanti Sarah nali mwa tende, Na konile kulemuha milelo yeneli mwa pilu ya hae. Sani neli sisupo. Nali yena Linzwi. Cwale haiba Linzwi likona fela kutaha ku luna, kanti, hape, U sepisize kueza ze swana.

¹⁹⁵ Cwale mina kwande koo mwahala sicaba, ba basina makadi a litapelo, mi muziba kuli hamuna kuba mwa mukoloko wa litapelo, Hani koni kulemuha kuli ki sifi sa ka ni bonisa Mulena. Nika... Mi mulumele kuli kaniti Mulimu ufolisa matuku. Ni—Ni bata kuli mu—mu lumele ona cwale, ka mizuzu yelikani. Mi mulapele fela, mi muli, “Mulena Jesu, Na mu ziba muuna yoo, yabulela, ki—ki mutu, kono u ni bulelezi kuli, u lu bulelezi busihu boo, ni kubonisa hande ku luna; kuli, Moya o Kenile, kuli lifasi ha li bulayi.”

¹⁹⁶ Ne ba bulaire Jesu ha Nali mwa nama; ba Mu takisa kuisa lifu. Kono cwale U zuhile, mwa buino bwa kanya, Ha sa kona ku bulaiwa ni kamuta. Mi Na i ze kuli, “Fa nako nyana lifasi halina ku Ni bona. Kono, mina,” ba balelilwe kale, bona baba ketezwi kwa Bupilo Bobusafeli, ili Keleke, yena Munyaliwa, “mina mu ka Ni bona, kakuli Ni ka ba ni mina, mane mwahala mina, kuisa kwa maungulelo. Lika ze Ni eza ki ze mu ka eza ni mina.” Lisepiso ze kaufela ki Za ezize.

¹⁹⁷ Cwale, Ni ziba kuli ha Na li fa lifasi faa, Yena, Mulimu nali ku Yena. Na li yena Mulimu. Nali yena mutalelela wa Mulimu. Nali yena Linzwi la Mulimu kamukana le li iponahalisa.

¹⁹⁸ Mi Bibebe i sa li Mulimu, Linzwi, mi ku sa na ni sinulo yeñwi ye lukela ku patululwa. Mi Na ize kuli, “Mwa mazazi a maungulo, foo lifasi halikaba sina Sodoma hape, Mwana mutu u ka patululwa.” Mi sisupo sa Sodoma si ka kuta, kasamulaho Linzwi li ka biza sicaba, bona baba lukiselizwe Bupilo.

¹⁹⁹ Lwa ziba, ha Na li fa, nekuna ni ma milioni a batu mwa lifasi, be ne ba sika ziba kuli Na liteni faa; hakuna mukwa wa kuziba ka ona. Mwabona? Na tile ku bona fela bene ba lemuhilwe kale kubona ze.

²⁰⁰ Cwale mu lapele. Cwale mu kuze luli muli tuu. Musike mwa shenya shenya. Kaufela fo muinzi, mwa situwa fa halimu, fa bulilofafasi, kaufela ko muinzi, musike—musike mwa shenya, muine fela ka kukuza luli, mi mulapele.

²⁰¹ Muli, “Mulena Jesu, Bibebe iize, mwa Maheberu 4, kuli Utene ona fa cwale uli ‘Muprisita Yomuhulu yakona kuswaliwa ka maikuto a matuku a luna.’ Mi lu Ku bona fa lifasi, ha No li mwa lifasi moo, musali nyana yomuñwi nako yeñwi na sweli sapalo sa Hao, mi Wa fetuna, mane wali, ‘Kimañi ya Ni sweli?’” A ipata, kono tumelo ya hae ya iponahalisa. Jesu a mubulelela ka za butata bwa hae bwa mweya, mi ali “tumelo ya hae ne i mu pilisize.” Cwale ki Yena Muprisita Yomuhulu yani. Haiba Wa swana maabani, kacenu, ni kuyakuile, U swanelo kueza ka nzila yeswana, haiba mu—mu ka Mu swala.

²⁰² Mi cwale seo sieza sikamañi he? Ku lukela kuba nama ya butu, fa lifasi, ye ka bulela Linzwi la Hae. “Kina Kota luli, mina mu mitai.” Hakuna mukwa wa ku kekuluhaka lika, balikani. Ki Mañolo fela kihona. Ki yona Niti. Mina bakutazi mwa lumela cwalo, kwa mulaho koo? [Bakutazi bali, “Amen.”—Mu.]

²⁰³ Cwale kwande koo, mube fela hande ka likute ni kulapela, muli, “Mulena Jesu, ni konise ku swala sapalo sa Hao.”

²⁰⁴ Mi mwabona yali bukaufi nina, ki mafiti a mashumi amabeli kamba kufitelela. Ha ni zibi moyo oli kwande koo. Mane hakuna ye Ni bona ye ni ziba, busihu cwana, yainzi mwani; konji Pat Tyler yainezi kwanu kwa pata, mulikana ka. Kuna ni batu fa tumbeta, milamu.

²⁰⁵ Ne luboni taba ya milamu ha i konda maabani busihu, mi muuna ananuha ni kuzamaya kuikela. Kupalañi ku mina kamukana, busihu boo? Mwabona, mulumele fela, kona fela ze mu na ni kueza. Pata ya Hae ika lieza. Ki Yo fa uteni, mu lukela kuyema ka Yena kuli ayo mi zusa ka zazi la mafelelezo.

²⁰⁶ Cwale, mina baba lumela, ni kunahana kuli musweli kulapela katata, mutualimele fela neku le cwale.

²⁰⁷ Sina Pitrosi ni Joani mo ne ba bulelezi kuli, “Lu talime.” Mi ba talimela ka tukufalelo, muuna yani atalima, inza kulubela kubona sika. Mi ali, “Silivera ni gauda ha Nina yona, kono ze Ni nani . . .”

²⁰⁸ Cwale, foliso ha Nina yona, kono ze Ni nani, ki mpo yezwa ku Mulimu, Na kufa yona. Haiba u ka lumela fela, Mulimu uka li beleka. Ni mi kupa fela kuli mu lumele kihona. Ze Ni nani, Ni ka mifa zona. Haiba mu ka li lumela, Mulimu uka li beleka. Mulike fela.

²⁰⁹ Ki se, ki Se fa cwale. Amen. Na lata cwalo. Kuna ni kalibe yaliyeni mo cwale. Ki yomukima cwalo, u inezi ona kwa mafelelezo kwa. Kana una ni kadi ya tapelo, kalibe? Ya bonahala bukima cwalo . . . Hauna yona . . . Ona fa, haua kadi ya tapelo? Eeni. Hauna kadi ya tapelo? Wa lumela, kono? Ha u tokwi kadi ya tapelo, haiba u lumela.

²¹⁰ Manzwi akutakela, kona hakuli tata kubiza sicaba sina cwana, kono a kulike ku ni teeze ka mo ku konahalela kaufela cwale.

²¹¹ Ha ni ku zibi. Hauna kadi ya tapelo, kabakaleo hauna kuba kwanu kwa pili. Haiba Mulimu uka ni patululela sesili butata bwa hao, kikuli uka lumela cwalo (sikamañi?) ikona kuba nto yeswana inge fela mwa Na patululezi ku musali butata bwa hae? Musali fa siliba? Sarah, za na bulezi, ni zeñwi cwalo? Kana u lumela cwalo? U lumela kuli nelika ba hande?

²¹² U katazwa ki butuku bwa mali, kuna ni ze fosahalile mwa mali a hao. Haiba yeo ki niti, nanula lizoho la hao. Ku lukile. Hauna zona cwale. Si monyehile Liseli ku wena. Jesu Kreste u ku bubekile.

²¹³ Cwale, Na li kuba ni bone musali yo fateni, mwa bupilo bwaka. Cwale ki sikamañi seo? I lukela kuba Moya. Cwale mwakona kubulela sina Bafarisi kuli, “Ki mudimona,” kihande, mu ka amuhela mupuzo wa bona. Mu li, “Ki Kreste,” mu amuhela mupuzo wa Kreste. Ni lumela kuli ki Linzwi le li itibahalisa mwa lizazi la maungulo lee; ha ki na.

²¹⁴ Faa, faa kuna ni kalibe yomuñwi wa mwanana yainezi onafafasi faa. U katazeha ki kutatana kwa misinga kwa mahutu a hae. Una ni matata. Una ni butata bwa mali. U swelli kulapelela mulatiwa, yani ki muzwale. U swelli walila cwale. U ambozi ni yena. Muzwale wateni ki mukuli luli. Ki taba ya matuku a shuka.

Mi, hape, una ni muluti omuñwi, ki muezalibi. Mi usweli wa mu lapelela. Yeo ki niti. Maa Welton, haiba uka lumela ka pilu ya hao kaufela, Mulimu uka ku ezeza zona. Wa lumela cwalo? Ao kona mabizo a hao.

²¹⁵ Cwale zeo za shutana ni za na bulezzi Jesu ku Simoni, “Libizo la hao ki wena Simoni, u mwana Jonasi”? Mube fela ni tumelo. Musike mwa kakanya. Mulumele ka pilu za mina kaufela. Haiba wa lumela, Mulimu uka li kondisa mane li ezahale. Haiba fela ukona ku . . .

²¹⁶ Fa, fa kuna ni kalibe yomunyinyani yainezi ona faa, yasweli ku ni talimela kwanu. Ubonahala kuba ni milili yefubelu cwalo. Milili ya hae itamezwi kwa mulaho.

²¹⁷ Kikuli ha u boni Liseli leo, la mufuta wa buñandatalukeke, lisweli kupikuluha fahalimwa musali? U ziba kuli za ezahala ona fa, kakuli wa Li utwa. Li inzi hahulu fakaufi ni yena, mane hakoni ku icanganisa Lona. Haiba yeo ki niti, kalibe, nanula lizoho la hao. Ki yani fani.

²¹⁸ Cwale Ni muenyi luli ku wena. Hakuna se ni ziba ka wena. Kono no inzi fela fani unzo lapela. Yeo ki niti. Haiba yeo ki niti, nyanganyisa lizoho la hao sina *cwana*. Cwale, haiba Jesu Kreste ki Mwana Mulimu, mane ki Yena, Muprisita Yomuhulu yainzi kwa lizoho la bulyo la Mulimu . . . Mi Na niyemi fela fa kakuba mpo, hamoho nina yasa- . . . kuzwa mwa, ka minahano fela ya butu, kusina ku inahanelia fela zona; ka kupumulisa fela munahano waka ni kunahana, ni kutuhela fela Mulimu azamaye. Kana u lumela kuli Wa . . . Na, Mulimu u ziba kuli ha Ni ku zibi; mi ni wena uziba ona cwalo. Kacwalo haiba Mulimu uka ni patulela butata bwa hao, kamba sika so libelela, so bata, kamba nto yeñwi fela, kikuli u lumela kuli Mulimu uka eza, wakona kueza cwalo?

²¹⁹ Una ni butata ni mukokoto wa hao. Ki iliñwi ya zo sweli kulapelela. Mi una ni butata ni meto a hao. Kikuli u lumela kuli Mulimu uka afolisa mane abe hande? Wa lumela? Wa lumela? Kana u lumela kuli Mulimu wakona ku ni bulelela yo uli yena? Musala bo. Hallman, wa lumela ka pilu ya hao kaufela cwale, wakona kuba ni so kupile. Kana wa lumela?

²²⁰ Ki yo fa musali ya supezi yainezi fela mwa mulaho nyana ku yena. U sweli wa lapela, ni yena. Una na ni butuku bwa shuka. Ni sepa kuli haana kumbwinja se. Siinzi fahalimwa hae. Sa supezi luli cwalo. Fa muzuzu fela, mi Mulena ani tuse cwale. Yena . . . Ki yani u si sweli. Ku lukile. Ni boni ha swalana ni sona. Ha zweleli kwanu. U zwelela kwa Louisiana. Yena—yena muleneñi wa hae ki sibaka se si bizwa Singer, Louisiana. Mi ukatazwa ki shuka. Libizo la hae ki Musala bo. Doyle. Haiba yeo ki niti, nanula lizoho la hao. Ku lukile. Na ni muenyi luli ku yena, nali kuba ni mubone fateni mwa bupilo bwaka. Kono Jesu Kreste, Mwana Mulimu, u ziba hande kamukana ze ku paka.

²²¹ Kuna ni musali ya inezi kwa mulaho kwani, yazwa kwa muleneñi o swana, sibaka se si bizwa Singer. U katazwa ki kumata hahulu kwa mali. Mi libizo la hae ki Clark. Wa lumela, Musala bo. Clark? Ku lukile, wakona kuba ni so no kupile.

Wa lumela? [Kopano ili, “Amen.”—Mu.]

²²² Ki seo fo sisupo! Muteeleze kwa Linzwi! Mubake, mukutele ku Mulimu kapili mo mu konela! Jesu Kreste uteni mo ka Mata a zuho ya Hae; lusika lwa bubuki ni lolumaswe hahulu lu amuhela sisupo sa Jesu Kreste yapila mwahala sicaba. Na sike aeza zeo fela ka na, sina ni kuba ka mina, hape. Mwabona, musali na sweli sapalo sa Hae. U sweli sapalo sa Hae. Luna lu libyana fela.

²²³ Kana u lumela zeo ka pilu ya hao kaufela? Cwale haiba u lumela cwalo... Ki ba bakai baba lumela seo, munanule mazoho, sina *cwana*, muli, “Na lumela luli kakutala.”

²²⁴ Cwale haiba mu lumela cwalo, Jesu naize kuli, “Lisupo ze li ka ya ni ba ba lumela; ha ba ka beya mazoho fa bakuli, bao ba ka foliswa.” Kikuli mwa lumela?

²²⁵ Cwale seli busihu. Haluna nako yeñata. Se lu sialezwi fela ka mizuzu mashumi amabeli ka a ketalizoho kuli ibe teni. Kikuli muka nanula fela mazoho a mina ku mutu ni mutu, he? Mi mueze fela sina mo Ni bulelela cwale, mubeye fela mazoho ku mutu ni mutu.

²²⁶ Cwale mwa ziba, fahalimu, kaufela ko muinezi. Cwale mwa ziba, kuya fela sina sika kaufela cwale, kasamulaho wa kukutazwa kwa Mañolo ni kupakiwa hande mwahala muyaho woo.

²²⁷ Ni bona yomuñwi, ona fa. Mwabona? Ni yomuñwi hape faa, butuku bwa sinya. Kalibe yakula TB. Uh-huh. Nibulele kuli, Seli kai ni kai cwale, kono Sa ku fokolisa.

²²⁸ Ki shutano mañi, kilifi zeñwi hape? Mwabona mashumi aketalizoho, fokuñwi kuna ni zeo, mi mu ka bona ze mashumi asupile nako yetatama. Jesu na ezize cwalo nako iliñwi kwa Sikare, mi muleneñi kaufela ba Mu lumela. Ne ba sweli kulibeleta Mesia.

²²⁹ Mesia uteni fa, Moya o Kenile, Mesia wa lizazi lee; Mesia yasweli kueza Linzwi ku iponahalisa, la sepiso ya Hae.

²³⁰ Cwale Ni bata kuli mañi ni mañi wa mina, hanze mubeya mazoho ku mutu ni mutu, haiba mu balumeli. Cwale usike wa i tapelela. Lapelela mutu yoo, ni yena aku lapelele. Cwale, Linzwi le li swana le li sepisize litaba ze mwa mazazi a maungulo, lisepisize hape...

²³¹ Mi muhupule, Jesu naize, “Lisupo ze li ka ya ni baba lumela.” Foliso, kukuta kwa yona, kona linzwi la kuli sisupo si lemuhilwe. Ba beya mazoho fa bakuli, kuba sisupo; linzwi ki “haleluya, Mulena u ni folisize!” Cwale haiba lisupo ze li zamaelela ni

linzwi, sisupo seo, haiba u mu lumeli, li ka zamaeleta. Linzwi li ka zamaeleta ni sisupo.

²³² Haiba Ni mifa sisupo se, se Ni mi bulelezi kuli si zwelela ku Mulimu, mi Mulimu u si sepisize mwa lizazi lee; si patatalizwe hande ka swanelo, hakuna sika kwanda ya sa lumeli za bulapeli kiyena yakona kuhana ku si lumela. Mwabona? Mi Mulimu afetuha ni ku si paka, kuli si be cwalo. Cwale Utensi mo.

²³³ Cwale mañi ni mañi, ka mo mu lapelelanga kwa keleke ya henu, haiba ki kuwena, kuhuwa, kaufela zeo lili zona, lapelela mutu yosweli kwa lizoho, kakuli wa ku lapelela ni wena.

²³⁴ Mi cwale amu inuke litoho. Mi fa Pila Mesia, yena Kreste, Ya Zuhile, u sa pila kasamulaho wa myaha ye likiti zepeli, lukona kuba cwani ni singonyi mwa Moya? Zeo li lukela ku tumbula naha ye Mulilo. Seo silukela kueza Beaumont kubaka, mwa masaka ni mulola. Kono kana i ka eza? Batili.

²³⁵ Kono mina baba Mu libelezi, mi mu lumela kuli Uka eza ni kubuluka Linzwi la Hae, ki ku mina cwale baba filwe sepiso. Mubeye mazoho amina ku mutu mi mulapele, hanze Ni mi lapelela kuzwa kwanu.

²³⁶ Mulena Jesu, zeñata li bulezwi, zeñata li ezizwe. Linzwi le li sepisizwe se li bonahalile. Yena Mesia, Kreste wa Mulimu, u teni mo ka Pata ya Bumulimu. Lwa Mu utwa. Lwa Mu bona. Lu ziba kuli Na sepisize se mwa mazazi a maungulo. “Sina mo ne kuinezi mwa mazazi a Sodoma, kona mo ku ka bela Mwana mutu ha patululwa.” Kipeto, lwa ziba.

²³⁷ Lu bona mu—mu mulilo mwa mbyumbyulu, ma bomba a atomic. Lubona linaha ze cilwe ki mabuku, linaha za ikaba. Lu bona kuli Isilaele u mwa naha yahabo. Sisupo kaufela se ne si sepisizwe, si talelelizwe. Nto yetatama ki Mwana a sepiso, Kutaha.

²³⁸ O Mulimu wa Kuyakuile, Fapila Jesu Kreste, ona Moya o Kenile omutuna oliteni mo cwale unzo paka kuli Utensi moo, utwa litapelo za sicaba se, utwa Bakreste baa; kuli, ha Ni ka zwa, basike ba bulela kuli, “Muzwale Branhamma uezize sa kuli.” Mutu ye ne ba sa zibi, u ba beile mazoho, mi ba folile. Kono U sepisize kuli Linzwi lina ni sisupo ku lona. Mi ha ba foliswe, hanze Ni ba beya ku Wena, ka Libizo la Jesu.



LINZWI LA SISUPO LOZ64-0313
(The Voice Of The Sign)

Liñusa le ka Muzwale William Marrion Branham, neli kutilizwe lwa pili mwa Sikuwa la Bufaifi manzibwana, Liatamanyi 13, 1964 ili fa Municipal Auditorium mwa Beaumont, Texas, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org